



通鑑紀事本末卷第十六

慕容叛秦復燕

肥水之役慕容滅西燕

姚萇滅秦

晉海西公太和四年燕車騎大將軍吳王垂率秦初秦王堅聞太宰恪

卒陰有圖燕之志憚垂威名不敢發及聞垂至大喜郊迎執手曰天生賢

傑必相與共成大功此自然之數也要當與卿共定天下告成岱宗然後

還卿本邦世封幽州使卿去國不失為子之孝歸朕不失事君之忠不亦

美乎垂謝曰羈旅之臣免罪為幸本邦之榮非所敢望堅復愛世子令及

慕容楷之才皆厚禮之賞賜鉅萬每進見屬目觀之關中士民素聞垂父

子名皆嚮慕之王猛言於堅曰慕容垂父子譬如龍虎非可馴之物若借

以風雲將不可復制不如早除之堅曰吾方收攬英雄以清四海奈何殺

之且其始來吾已推誠納之矣匹夫猶不棄言況萬乘乎乃以垂為冠軍

將軍封賓徒侯楷為積弩將軍

五年 秦王猛之克壺關也黃門侍郎封孚問司徒長史申胤曰事將何如胤歎曰鄴必亡矣吾屬今茲將為秦虜然越得歲而吳伐之卒受其禍今福德在燕秦雖得志而燕之復建不過一紀耳 初秦王堅入鄴宮慕容垂見燕公卿大夫及故時僚吏有愠色高弼密言於垂曰大王憑祖宗積累之資負英傑高世之略遭值地阨棲集外邦今雖家國領覆安知其不為興運之始邪愚謂國之舊人宜恢江海之量有以慰結其心以立覆簣之基成九仞之功柰何以一怒指之愚竊為大王不取也垂悅從之燕故太史黃泓歎曰燕必中興其在吳王乎恨吾老不及見耳汲郡趙秋曰天道在燕而秦滅之不及十五年秦必復為燕有慕容栢之子鳳年十一陰有復讎之志鮮卑丁零有氣幹者皆傾身與之交結權翼見而謂之曰兒方以才望自顯勿效爾父不識天命鳳厲色曰先王欲建忠而不遂此乃人臣之節君侯之言豈獎勵將來之意乎翼改容謝之言於秦王堅

曰慕容鳳慷慨有才器但恨于野心恐終不為人用耳

簡文帝咸安元年春正月秦王堅徙關東豪傑及雜夷十五萬戶于關中處烏栢于馮翊北地丁零翟斌于新安泥水

孝武帝寧康元年有彗星出于尾箕長千餘丈經太微掃東井自四月始見及秋冬不滅秦太史令張孟言於秦王堅曰尾箕燕分東井秦分也今彗起尾箕而掃東井十年之後燕當滅秦二十年之後代當滅燕慕容暉父子兄弟我之仇敵而布列朝廷貴盛莫二臣竊憂之宜剪其魁傑者以消天變堅不聽陽平公融上疏曰東胡踰據六州南面稱帝陛下勞師累年然後得之本非慕義而來今陛下親而幸之使其父子兄弟森然滿朝執權履職勢傾勳舊臣愚以為狼虎之心終不可養星變如此願少留意堅報曰朕方混六合為一家規夷狄為赤子汝宜息慮勿懷耿介夫惟修德可以禳災苟能內求諸已何懼外患乎

二年冬十二月有人入秦明光殿大呼曰甲申乙酉魚羊食人悲哉無復遺秦王堅命執之不獲秘書監朱彤秘書侍郎略陽趙整固請誅諸鮮卑堅不聽整宦官也傳聞疆記能屬文好直言上書及面諫前後五十餘事慕容垂夫人得幸於堅堅與之同輦遊于後庭整歌曰不見雀來入燕室但見浮雲蔽白日堅改容謝之命夫人下輦

三年夏六月秦清河武侯王猛寢疾秦王堅親為之祈南北郊及宗廟社稷分遣侍臣徧禱河嶽諸神猛疾少瘳為之赦殊死以下猛上疏曰不圖陛下以臣之命而虧天地之德開闢以來未之有也臣聞報德莫如盡言謹以垂沒之命竊獻遺款伏惟陛下威烈振乎八荒教光乎六合九州百郡十居其七平燕定蜀有如拾芥夫善作者不必善成善始者不必善終是以古先哲王知功業之不易戰戰兢兢如臨深谷伏惟陛下追蹤前聖天下幸甚堅覽之悲慟秋七月堅親臨猛第視疾訪以後事猛曰晉雖

僻處江南然正朔相承上下安和臣沒之後願勿以晉為圖鮮卑西羌之仇敵終為入患宜漸除之以便社稷言終而卒堅比飲三臨哭謂太子宏曰天不欲使吾十一六合邪何奪吾景略之速也葬之如漢霍光故事太元元年陽平國常侍慕容紹私謂其兄楷曰秦恃其強大務勝不休北戍雲中南守蜀漢轉運萬里道殫相望兵疲於外民困於內危亡近矣冠軍叔仁智度英拔必能恢復燕祚吾屬但當愛身以待時耳

二年春高句麗新羅西南夷皆遣使入貢于秦趙故將作功曹熊邈屢為秦王堅言石氏宮室器玩之盛堅以邈為將作長史領尚方丞大修舟艦兵器飾以金銀頗極精巧慕容農私言於慕容垂曰自玉璽之死秦之灑割日以頽靡今又重之以奢侈殃將至矣圖讖之言行當有驗大王宜結納英傑以承天意時不可失也垂笑曰天下事非爾所及荊州刺史相諮表兖州刺史朱京為梁州刺史鎮襄陽秋七月丁未以尚書僕射謝

安為司徒安讓不拜復加侍中都督揚豫徐兗青五州諸軍事丙辰征西
大將軍荊州刺史相豁卒冬十月辛丑以相冲都督江荆梁益寧交廣
七州諸軍事領荊州刺史以冲子嗣為江州刺史又以五兵尚書王蘊都
督江南諸軍事假即領徐州刺史征西司馬領南郡相謝玄為兗州刺史
領廣陵相監江北諸軍事相冲以秦人疆盛欲移阻江南奏自江陵徙鎮
上明使冠軍將軍劉波守江陵諮議參軍楊亮守江夏王蘊固讓徐州謝
安曰卿居后父之重不應妻自菲薄以虧時遇蘊乃受命初中書郎郁超
自以其父惜位遇應在謝安之右而安入掌機權情優遊散地常憤邑形
於辭色由是與謝氏有隙是時朝廷方以秦寇為憂詔求文武良將可以
鎮禦北方者謝安以兄子玄應詔超聞之歡曰安之明乃能違眾舉親玄
之才足以不負所舉眾咸以為不然超曰吾嘗與玄共在相公府見其使
之雖履屐將未嘗不得其任是以知之玄慕驍勇之士得彭城劉季之

數人以率之為軍常領精銳為前鋒戰無不捷時號北府兵敵人畏之
三年春二月秦王堅遣征南大將軍都督征討諸軍事尚書令長樂公
丕武衛將軍苟萇尚書慕容暉帥步騎七萬寇襄陽以荊州刺史楊安帥
樊鄧之眾為前鋒征虜將軍始平石越帥精騎一萬出魯陽關京兆尹慕
容垂揚武將軍姚長帥眾五萬出南鄉領軍將軍苟池右將軍毛當疆弩
將軍王顯帥眾四萬出武當會攻襄陽夏四月秦兵至沔北梁州刺史朱
序以秦無舟楫不以為虞既而石越帥騎五千浮渡漢水序惶駭固守中
城越克其外郭獲船百餘艘以濟餘軍張樂公丕督諸將攻中城序毋韓
氏聞秦兵將至自登城履行至西北隅以為不固帥百餘婢及城中女丁
築邪城於其內及秦兵至西杜隅果潰眾移守新城襄陽人謂之夫人城
相冲在上明擁眾七萬憚秦兵之疆不敢進丕欲急攻襄陽苟萇曰吾眾
十倍於敵糗糧山積但稍遷漢沔之民於許洛塞其運道絕其援兵譬如

網中之禽何患不獲而多殺將士急求成功我王從之慕容垂拔南陽執
太守鄭裔與丕會襄陽秋七月秦兗州刺史彭超請攻沛郡太守戴遂
於彭城且曰願更遣重將攻淮南諸城為征南基劫之執東西並進丹楊
不足平也秦王堅從之使都督東討諸軍事後將軍俱難右禁將軍毛盛
洛州刺史邵保帥步騎七萬寇淮陽盱眙超越之弟保羌之從弟也八月
彭超攻彭城詔右付軍毛虎生帥衆五萬鎮姑孰以禦秦兵秦梁州刺史
常鍾圍魏興太守言挹於西城冬十二月秦御史中丞李柔劾秦長樂
公丕策擁衆十萬以圍小城日費萬金久而無效請殺下廷尉秦王堅曰
丕等廣費無成實宜貶戮但師已淹時不可虛返其特原之令以成功贖
罪使黃門侍郎常華持節切讓丕等賜丕劍曰來春不捷汝可自裁勿悔
持面見吾也

四年春正月秦長

樂公丕等得詔惶恐乃命諸軍并力攻襄陽秦王

自將攻襄陽詔陽平公融以關東六州之兵會壽春梁熙以河西之兵為
後繼陽平公融諫曰陛下欲取江南固當博謀熟慮不可倉猝若止取襄
陽又豈足親勞大駕乎未有動天下之衆而為一城者所謂以隨侯之珠
彈千仞之雀也梁熙諫曰晉主之暴未如孫皓江山險固易守難攻陛下
必欲廓清江表亦不過分命將帥引關東之兵南臨淮泗下梁益之卒東
出巴峽又何必親屈鑿轅遠幸沮澤乎昔漢光武誅公孫述晉武帝擒孫
皓未聞二帝自統六帥親執枹鼓蒙矢石也堅乃止詔冠軍將軍南郡相
劉波帥衆八千救襄陽波畏秦不敢進朱序屢出戰破秦兵引退稍遠序
不設備二月襄陽督護李伯護密遣其子送款於秦請為內應長樂公丕
命諸軍進攻之戊午克襄陽執朱序送長安秦王堅以序能守節拜度支
尚書以李伯護為不忠斬之秦將軍慕容越拔順陽執太守譙國丁穆堅
欲官之穆固辭不受堅以中壘將軍梁成爲荊州刺史配兵一萬鎮襄陽

選其才望禮而用之相沖以襄陽陷沒上疏送章節請解職不許詔免劉
波官俄復以為冠軍將軍 兖州刺史謝玄帥衆萬餘救彭城軍于泗口
欲遣間使報戴遂而不可得 部曲將田泓請沒水潛行趣彭城玄遣之泓
為秦人所獲厚賂之使云南軍已敗泓偽許之既而告城中曰南軍垂至
我單行來報為賊所得勉之秦人殺之彭超直輜重於留城謝玄揚聲遣
後軍將軍東海何謙向留城超聞之釋彭城圍引兵還保輜重戴遂帥彭
城之衆隨謙奔玄超遂據彭城留兖州治中徐裒守之南攻盱眙難克
淮陰留邵保戍之 夏四月秦毛當王顯帥衆二萬自襄陽東會俱難彭
超攻淮南五月乙丑難超拔盱眙執高密內史毛璪之秦兵六萬圍幽州
刺史田洛于三阿去廣陵百里朝廷大震臨江列戍遣征虜將軍謝石帥
舟師屯涂中石安之弟也右衛將軍毛安之等帥衆四萬屯堂邑秦毛當
毛盛帥騎二萬襲堂邑安之等驚潰兖州刺史謝玄自廣陵救三阿丙子

難超戰敗退保盱眙六月戊子玄與田洛帥衆五萬進攻盱眙難超又敗
退屯淮陰玄遣何謙等帥舟師乘潮而上夜焚淮橋邵保戰死難超退屯
淮杜玄與何謙戴遂田洛共追之戰于君川復大破之難超走僅以身
免謝玄還廣陵詔進號冠軍將軍加領徐州刺史秦王堅聞之大怒秋七
月檻車徵超下廷尉超自殺難削爵為民以毛當為徐州刺史鎮彭城毛
盛為兖州刺史鎮胡陸王顯為揚州刺史戍下邳謝安為宰相秦人屢入
寇邊兵失利衆心危懼安每鎮之以和靜其為政務舉大綱不為小察時
人比安於王導而謂其文雅過之

五年夏五月朝廷以秦兵之退為謝安相沖之功拜安衛將軍與沖皆開
府儀同三司 六月秦王顯召陽平公融為侍中中書監車騎大將軍司
隸校尉錄尚書事以征南大將軍守尚書令長樂公丕為都督關東諸軍
事征東大將軍冀州牧堅以諸氏種類繁滋秋七月分三原九峻武都沔

雍氏十五萬戶使諸宗親各領之散居方鎮如古諸侯長樂公丕領氏三千戶以仇池氏酋射擊校尉楊膺為征東左司馬九峻氏酋張水校尉齊午為右司馬各領一千五百戶為長樂世卿長樂國郎中令略陽垣敞為錄事參軍侍講扶風常幹為參軍事申紹為別駕膺丕之妃兄也午膺之妻父也八月分幽州置平州以石越為平州刺史鎮龍城中書令梁謨為幽州刺史鎮薊城撫軍將軍毛興為都督河秦二州諸軍事河州刺史鎮枹罕長水校尉王騰為并州刺史鎮晉陽河并二州各配氏戶三千興騰立符氏婚姻氏之崇望也平原公暉為都督豫洛荆南兗東豫楊六州諸軍事鎮東大將軍豫州牧鎮洛陽移洛州刺史治豐陽以鉅鹿公叡為雍州刺史鎮蒲坂各配氏戶三千二百戶送石至灞上諸氏別其父兄皆慟哭哀感路人趙整因侍宴播琴而歌曰阿得脂阿得脂博勞舅父是仇緩尾長翼短不能飛遠徙種人留鮮卑一旦緩急當語誰豎笑而不納冬

十二月秦以左將軍都督為荊州刺史鎮彭城置東豫州以毛當為荊州刺史鎮許昌

六年春正月丁酉以尚書謝石為僕射冬十一月秦荊州刺史都督遣其司馬閻振中兵參軍吳仲帥眾二萬寇竟陵相冲遣南平太守相石虔衛軍參軍相石氏等帥水陸二萬拒之石氏石虔之弟也十二月甲辰石虔襲擊振中大破之振仲退保管城石虔進攻之癸亥拔管城獲振仲斬首七千級俘虜萬人詔封相冲子謙為宜陽侯以相石虔領河東太守七年夏四月秦王昭以陽平公融為司徒融固辭不受堅方謀伐晉乃以融為征南大將軍開府儀同三司秋八月秦王堅以諫議大夫裴元略為巴西梓潼二郡太守使密具舟師九月相冲使揚威將軍朱綽擊秦荊州刺史都督于襄陽破踐沔北屯田掠六百餘戶而還冬十月秦王堅會群臣于太極殿議曰自吾承秦重三十載四方略定唯東南一隅未

當王化今略計吾士卒可得九十七萬吾欲自將以討之何如秘書監朱
彤曰陛下恭行天罰必有征無戰晉主不銜壁軍門則走死江海陛下返
中國士民使復其桑梓然後回輿東巡告成伏宗此千載一時也堅喜曰
是吾志也尚書左僕射權翼曰昔紂為無道三仁在朝武王猶為之旋師
今晉雖微弱未有大惡謝安相冲晉江表諸人君臣輯睦內外同心以臣
觀之未可圖也堅嘿然良久曰諸君各言其志太子左衛率石越曰今歲鎮
守中福德在吳伐之必有天殃且彼據長江之險民為之用殆未可伐也
堅曰昔武王伐紂逆歲違卜天道幽遠未易可知夫差孫皓皆保據江湖
不免於亡今以吾之衆投鞭於江足斷其流又何險之足恃乎對曰三國
之君皆淫虐無道故敵國取之易於拾遺今晉雖無德未有大罪願陛下
且繁兵積穀以待其釁於是君臣各言利害久之不決堅曰此所謂築室
道旁無時可成吾當內斷於心耳群臣皆出獨晉陽平公融謂之曰自古

符駟之才不
且於王極誠
之不減於極而
堅不聽之以此
所以敗之

定大事者不過一二臣而已今衆言紛紛徒亂人意吾當與汝決之對曰
今伐晉有三難天道不順一也晉國無釁二也我數戰兵疲民有畏敵之
心三也群臣言晉不可伐者皆忠臣也願陛下聽之堅作色曰汝亦如此
吾復何望吾彊兵百萬浴伏如山吾雖未為令主亦非闇劣乘累捷之勢
擊垂亡之國何患不克豈可復留此殘寇使長為國家之憂我融泣曰晉
未可滅昭然甚明今勞師大舉恐無萬全之功且臣之所憂不止於此陛
下寵育鮮卑羌羯布滿畿甸此屬皆我之深仇太子獨與弱卒數萬留守
京師臣懼有不虞之變生於腹心肘腋不可悔也臣之頑愚誠不足采王
景略一時英傑陛下常比之諸葛武侯獨不記其臨沒之言乎堅不聽於
是朝臣進諫者衆堅曰以吾擊晉於其羸弱之勢猶疾風之掃秋葉而朝
廷內外皆言不可誠吾所不解也太子宏曰今歲在吳分又晉君無罪若
大舉不捷恐威名外挫財力內竭此群下所以疑也堅曰昔吾滅燕亦犯

歲而捷天道固難知也秦滅六國六國之君豈皆暴管乎冠軍京兆尹慕
容垂言於堅曰弱併於彊小併於大此理執自然非難知也以陛下神武
應期威加海外虎旅百萬韓白滿朝而蕞爾江南獨違王命豈可復留之
以遺子孫哉詩云謀夫孔多是用不集陛下斷自聖心足矣何必廣詢朝
衆晉武平吳所仗者張杜二三臣而已若從朝衆之言豈有混一之功乎
堅大悅曰與吾共定天下者獨卿而已賜帛五百匹堅銳意欲取江東寢
不能且陽平公融諫曰知足不辱知止不殆自古窮兵極武未有不亡者
且國家本戎狄也正朔曾不歸之江東雖微弱僅存然中華正統天意必
不絕之堅曰帝王曆數豈有常邪惟德之所在耳劉禪豈非漢之苗裔邪
終為魏所滅汝所以不如吾者止病此不達變通耳堅素信重沙門道安
群臣使道安乘間進言十一月堅與道安同輦遊于東苑堅曰朕將與公
南遊吳越泛長江臨滄海不亦樂乎安曰陛下應天御世居中正而制

張夫人才識
俱備若此不
駐後竟與皇
同死孝子夫
人克后与張
氏均傳烈女
子哉

維自是以比隆堯舜何必櫛風沐雨經略遐方乎且東南卑濕沴氣易
上御名虞舜遊而不歸大禹往而不復何足以上勞大駕也堅曰天生蒸
民而樹之君使司牧之朕豈敢憚勞使彼一方獨不被澤乎必如公言是
古之帝王皆憚征伐也道安曰必不待已陛下宜駐蹕洛陽遣使者奉尺
書於前諸將總六師於後彼必稽首入臣不必親涉江淮也堅不聽堅所
幸張夫人諫曰妾聞天地之生萬物聖王之治天下皆因其自然而順之
故功無不成是以黃帝服牛乘馬因其性也禹濬九川障九澤因其執也
右稷播殖百穀因其時也湯武帥天下而攻桀紂因其心也皆有因則成
無因則敗今朝野一人皆言晉不可伐陛下獨決意行之妾不知陛下何
所因也書曰天聰明自我民聰明天猶因民而况人乎妾又聞王者出師
必上觀天道下順人心今人心既不然矣請驗之天道諺云雞夜鳴者不
利行師犬群鳴者官室將空兵動馬驚軍敗不歸自秋冬以來衆雞夜鳴

道蓋已言大天

群犬哀嗥廐馬多驚武庫兵器動有聲此皆非出師之祥也堅曰軍旅之事非婦人所當預也堅幼子中山公誡最有寵亦諫曰臣聞國之興亡繫賢人之用捨今陽平公國之謀主而陛下違之晉有謝安桓沖而陛下伐之臣竊惑之堅曰天下大事孺子安知

八年夏五月桓沖帥衆十萬伐秦攻襄陽遣前將軍劉波等攻沔北諸城輔國將軍楊亮攻蜀拔五城進攻涪城鷹揚將軍郭銓攻武當六月沖別將攻萬歲筑陽拔之秦王堅遣征南將軍鉅鹿公叡冠軍將軍慕容垂等帥步騎五萬救襄陽兗州刺史張崇救武當後將軍張蚝步兵校尉姚萇救涪城叡軍于新野垂軍于鄧城桓沖退屯沔南秋七月郭銓及冠軍將軍桓石虔敗張崇于武當掠二千戶以歸鉅鹿公叡遣慕容垂為前鋒進臨沔水垂夜命軍士人持十炬繫于樹枝光照數十里沖懼退還上明張昕出斜谷楊亮引兵還沖表其兄子石民領襄城太守戍夏口沖自來領

州刺史詔許之 秦王堅下詔大舉入寇民每十丁遣一兵其良家子年二十已下有材勇者皆拜羽林郎一人曰其以司馬昌明為尚書左僕射謝安為吏部尚書桓沖為侍中勢還 不遠可死為起第良家子至者三萬餘騎拜秦州主簿金城趙盛之為 于都統是時朝臣皆不欲堅行獨慕容垂姚萇及良家子勸之陽平公融言於堅曰鮮卑羌虜我之仇讎常思風塵之變以逞其志所陳策畫何可從也良家少年皆富饒子弟不閑軍旅苟為諂諛之言以會陛下之意耳今陛下信而用之輕舉大事臣恐功既不成仍有後患悔無及也堅不聽八月戊午堅遣陽平公融督張蚝慕容垂等步騎二十五萬為前鋒以兗州刺史姚萇為龍驤將軍督益梁州諸軍事堅謂萇曰昔朕以龍驤建秦未嘗輕以授人卿其勉之左將軍竇衝曰王者無戲言此不祥之徵也堅默然慕容垂密語於慕容垂曰主上驕矜已甚叔父建中興之業在此行也垂曰然非汝誰與成之甲子

通鑑紀事本末 卷之六
堅發長安戎卒六十餘萬騎二十七萬旗鼓相望前後千里九月堅至項
城涼州之兵始達咸陽蜀漢之兵方順流而下幽冀之兵至于彭城東西
萬里水陸齊進運漕萬艘陽平公融等兵三十萬先至頴口詔以尚書僕
射謝石為征虜將軍征討大都督以徐兗二州刺史謝玄為前鋒都督與
輔國將軍謝琰西中郎將桓伊等衆共八萬拒之使龍驤將軍胡彬以水
軍五千援壽陽琰安之子也是時秦兵旣盛都下震恐謝玄入問計於謝
安安夷然荅曰已別有旨旣而寂然玄不敢復言乃令張玄重請安遂命
駕出遊山野親朋畢集與玄圍碁賭墅安碁常劣於玄是日玄懼便為敵
手而又不勝安遂游陔至夜乃還桓伊深以根本為憂遣精銳三千入援
京師謝安固却之曰朝廷處分已定兵甲無闕西藩宜雷以為防冲對佐
吏歎曰謝安石有廟堂之量不關將略今大敵垂至方遊談不暇遣諸不
事少年拒之衆又寡弱天下事已可知吾其左衽矣 冬十月秦陽平

公融等攻壽陽癸酉克之執平虜將軍徐元喜等融以其參軍河南甄
為淮南太守慕容垂拔鄆城胡彬聞壽陽陷退保硤石融進攻之秦衛將
軍梁成等帥衆五萬屯于洛澗柵淮以遏東兵謝玄等去洛澗二十五
里而軍憚成不敢進胡彬糧盡潛遣使告石等曰今賊盛糧盡恐不復見
大軍秦人獲之送於陽平公融馳使白秦王堅曰賊少易擒但恐逃去
宜速赴之堅乃晉大軍於項城引輕騎八千兼道就融於壽陽遣尚書朱
序來說謝石等以疆弱異執不如速降序私謂石等曰若秦百萬之衆盡
至誠難與為敵今乘諸軍未集宜速擊之若敗其前鋒則彼已奪氣可遂
破也石聞堅在壽陽甚懼欲不戰以老秦師謝琰勸石從序言十一月謝
玄遣廣陵相劉牢之帥精兵五千趣洛澗未至十里梁成阻澗為陳以待
之牢之直前渡水擊成大破之斬成及弋陽太守王詠又分兵斷其歸津
秦步騎崩潰爭赴淮水士卒死者萬五千人執秦揚州刺史王顯等盡收

其器械軍實於是謝石等諸軍水陸繼進秦王堅與陽平公融登壽陽城望之見晉兵部陣嚴整又望見八公山上草木皆以為晉兵顧謂融曰此亦勅敵何謂弱也憮然始有懼色秦兵逼肥水而陳晉兵不得渡謝玄遣使謂陽平公融曰君懸軍深入而置陳逼水此乃持久之計非欲速戰者也若移陳小却使晉兵得渡以決勝負不亦善乎秦諸將皆曰我衆彼寡不知遇之使不得上可以萬全堅曰但麾兵少却使之半渡我以鐵騎蹙而殺之蔑不勝矣融亦以為然遂麾兵使却秦兵遂退不可復止謝玄謝琰桓伊等引兵渡水擊之融馳騎略陳欲以師退者馬倒為晉兵所殺秦兵遂潰玄等乘勝追擊至于青岡秦兵大敗自相蹈藉而死者蔽野寒川其走者聞風穀鶴噪皆以為晉兵且至晝夜不敢息草行露宿重以飢凍死者什七八初秦兵小却朱序在陳後呼曰秦兵敗矣衆遂大奔序因與弟天錫徐元喜等來奔復取壽陽執其淮南太守郭襄堅中流矢單騎走

至淮壯飢甚民有進壺飧豚髀者堅食之賜綿帛辭曰陛下厭苦安樂自取危困臣為陛下陛下為臣父安有子飼其父而求報乎弗顧而去堅謂張夫人曰吾今復何面自治天下乎潛然流涕是時諸軍皆潰惟慕容垂所將三萬人獨全堅以千餘騎赴之世子寶言於垂曰家國傾覆天命人心皆歸至尊但時運未至故晦迹自藏耳今秦主兵敗委身於我是天借之便以復燕祚此時不可失也願不以意氣微恩忘社稷之重垂曰汝言是也然彼以赤心投命於我若之何害之天苟棄之何患不亡不若保護其危以報德徐俟其釁而圖之既不負宿心且可以義取天下奮威將軍慕容德曰秦疆而并燕秦弱而圖之此為報仇雪恥非負宿心也兄柰何得而不取釋數萬之衆以授人乎垂曰吾昔為太傅所不容置身無所逃死于秦秦主以國士遇我恩禮備至後復為王猛所賣無以自明秦王獨能明之此恩何可忘也若氏運必窮吾當懷集關東以復先秦耳關西

會非吾有也冠軍行參軍趙秋曰明公當紹復燕祚著於圖讖今天時已
至尚復何待若殺秦王據鄴都鼓行而西三秦亦非符氏之有也垂親黨
多勸垂殺堅垂皆不從悉以兵授堅平南將軍慕容暉屯鄆城聞堅敗棄
其衆遁去至滎陽慕容德復說暉起兵以復燕祚暉不從 謝安得驛書
時方與客圍碁攝書置牀上了無喜色圍碁如故客問之徐答曰小兒輩
遂已破賊旣罷還內過戶限不覺屐齒之折丁亥謝石歸建康乙未以張
天錫為散騎常侍朱序為琅邪內史 秦王堅收集離散比至洛陽衆十
餘萬百官儀物軍容粗備慕容農謂慕容垂曰尊不迫人於險其義聲足
以感動天地農聞秘記曰燕復興當在河陽夫取果於未熟與自落不過
晚旬日之間然其難易美惡相去遠矣垂心善其言行至浞池言於堅曰
鄙之民聞王師不利輕相扇動臣請奉詔書以鎮慰安集之因過謁陵
許之權翼諫曰國兵新破四方皆有離心宜徵集名將置之京師以

固根本鎮枝葉垂勇略過人世豪東夏頃以避禍而來 心豈止欲作冠
軍而已哉譬如養鷹飢則附人每聞風颺之起常有陵轍日之志正宜謹其
條籠豈可解縱任其所欲哉堅曰卿言是也然朕已許之匹夫猶不食言
況萬乘乎若天命有廢興固非智力所能移也翼曰陛下重小信而輕社
稷臣見其往而不返關東之亂自此始矣堅不聽遣將軍李蠻閔亮尹國
帥衆三千送垂又遣驍騎將軍石越帥精卒三千戍鄴驍騎將軍張蚝帥
羽林五千戍并州鎮軍將軍毛當帥衆四千戍洛陽權翼密遣壯士邀垂
於河橋南空倉中垂疑之自涼馬臺結草筏以渡使典一軍程同衣已衣乘
已馬與僮僕趣河橋伏兵發同馳馬獲免十二月秦王堅至長安哭陽平
公融而後入謚曰哀公大赦復死事者家 庚午大赦以謝石為尚書令
進謝玄號前將軍固讓不受 慕容垂至安陽遣參軍田山修牋於長樂
公丕丕聞垂北來疑其欲為亂然猶身自迎之趙秋勸垂於座取丕因據

鄴起兵垂不從丕謀襲擊垂侍郎天水姜讓諫曰垂反形未著而明公擅殺之非臣子之義不如待以上賓之禮嚴兵衛之密去其情狀聽敕而後圖之丕從之館垂於鄴西垂潛與燕之故臣謀復燕祚命曰零翟斌起兵叛秦謀攻豫州牧平原公暉於洛陽秦王堅驛書使垂心以兵討之石越言於丕曰王師新敗民心未安負罪亡匿之徒思亂者衆此以丁零一唱旬日之中衆已數千此其驗也慕容垂燕之宿望有興復舊業之心今復資之以兵此為虎傅翼也不曰垂在鄴如藉虎寢蛟常恐為其刑腋之變今遠之於外不猶愈乎且翟斌凶悖必不肯為垂下使兩虎相噬垂從而制之此下莊子之術也乃以羸兵二千及鎧仗之弊者給垂又遣帥兵騎一千為垂之副密戒飛龍曰垂為三軍之帥物之垂請入鄴城拜廟丕弗許乃潛服而入亭吏禁之石越言於丕曰垂敢輕侮方鎮殺吏燒亭反狀已

淮南之敗垂侍衛乘輿此功不可忘也越曰垂尚不忠於燕安能盡忠於我失今不取必為後患不從越退告人曰公父子終當為人擒耳垂番慕容容慕容紹於鄴行李毗自鄴來以丕與符飛龍所謀告垂垂因激怒其而彼專欲圖吾父子吾雖欲已得乎乃託言兵少停衆八千平原公暉遣使讓垂垂使進兵垂謂飛龍曰夜行襲其不意飛龍以為然壬午夜垂遣世子寶將從已令兵五人為伍陰與寶約聞鼓聲前後合擊參佐家在西者皆遣還拜以書遺秦王堅言所以殺飛龍之故初垂從堅入鄴以其子麟屢嘗告變於燕立殺其母然猶不忍以麟置之舍希得侍見及殺符飛龍麟屢進策盡啟發垂意垂更奇之命待與諸子均矣慕容鳳及燕故臣之子燕郡王騰遼西段延等聞翟斌起兵各帥部曲歸之

平原公暉使武平武侯毛當討斌慕容鳳曰鳳今將先王之耻請為將軍斬此氏奴乃擐甲直進丁零之衆隨之大敗秦兵斬毛當遂進攻陵雲臺成克之收萬餘人甲伏於未慕容垂濟河焚橋有衆三萬晉遼東鮮卑可足渾譚集兵於河內之沙城垂遣田山如鄴密告慕容農等使起兵相應時日已暮農與慕容楷晉宿鄴中慕容紹先出至浦池盜丕駿馬數百匹以待農楷甲申晦農楷將數十騎微服出鄴遂同奔列人

九年春正月乙酉朔秦長樂公丕大會賓客請慕容農不得始覺有變遣人四出求之三日乃知其在列人已起兵矣慕容鳳王騰既延皆勸翟斌奉慕容垂為盟主斌從之垂欲襲洛陽且未知斌之誠偽乃拒之曰吾來救豫州不來赴君君既建大事成享其福敗受其禍吾無預焉丙戌垂至洛陽平原公暉聞其殺符飛龍閉門拒之翟斌復遣長史郭通往說垂垂猶未許通曰將軍所以拒通者豈非以翟斌兄弟山野異類無奇才遠

無所成故邪猶不念將軍今日憑之可以濟大業乎垂乃許之於是斌帥其衆來與垂會勸垂稱尊號垂曰新興侯吾主也當迎歸返正耳垂以洛陽四面受敵欲取鄴而據之乃引兵而東故扶餘王餘蔚為滎陽太守及昌黎鮮卑衛駒各帥其衆降垂垂至滎陽群下同請上尊號垂乃依晉中宗故事稱大將軍大都督燕王垂制行事謂之統府群下稱臣文表奏誥封拜官爵皆如玉者以弟德為車騎大將軍封范陽王兄子楷為征西大將軍封太原王翟斌為建義大將軍封河南王餘蔚為征東將軍統府左司馬封扶餘王衛駒為鷹揚將軍慕容鳳為建策將軍帥衆二十餘萬自石門濟河長驅向鄴慕容農之奔列人也止於烏桓魯利家利為之置饌農笑而不食利謂其妻曰惡奴即貴八家貧無以饌之奈何妻曰即有雄才大志今無故而至必將有異非為飲食來也君亟出遠望以備非常利從之農謂利曰吾欲集兵列人以圖爾復卿能從我乎利曰死生唯即

是從農乃詣烏桓張驥說之曰家王已舉大事翟斌等咸相推奉遠近響
應故來相告耳驥再拜曰得舊主而奉之敢不盡死於是農驅列人居民
為士卒斬桑榆為兵裂襦裳為旗使趙秋說屠各畢聰聰與屠各卜勝張
延李白郭超及東夷餘和敦勃易陽烏桓劉大各帥部眾數千赴之農假
張驥輔國將軍劉大安遠將軍魯利建威將軍農自將攻破館陶收其軍
資器械遺蘭汗段讚趙秋慕輿稀略取康高殺馬數千匹汗燕王垂之從
舅讚聰之子也於是步騎雲集眾至數萬驥等共推農為使持節都督河
北諸軍事驃騎大將軍監統諸將隨才部署上下肅然農以燕王垂未至
不敢封賞將士趙秋曰軍無賞士不往今之來者皆欲建一時之功規萬
世之利宜承制封拜以廣中興之基農從之於是赴者相繼垂聞而善之
農西招庫儁官偉於上黨東引乞特歸於東阿北召光烈將軍平殷及殷
亮汝陽太守幼於燕國偉等皆應之又遣蘭汗等攻頓丘克之農號令整

肅軍無私掠士女喜悅長樂公丕使石越將步騎萬餘討之農曰越有
勇之名今不南拒大軍而來此是畏王而陵我也必不設備可以計取之
衆請治列人城農曰善用兵者結士以心不以異物今起義兵唯敵是求
當以山河為城池何列人之足治也辛卯越至列人西農使趙秋及參軍
慕容暎擊越前鋒破之參軍太原趙謙言於農曰越甲仗雖精人心危駭
易破也宜急擊之農曰彼甲在外我甲在心書戰則士卒見其外貌而憚
之不如今待暮擊之可以必克令軍士嚴備以待毋得妄動越立柵自固農
笑謂諸將曰越兵精士衆不乘其初至之銳以擊我方更立柵吾知其無
能為此向暮農鼓譟出陳于城西牙門劉不請先攻越柵農笑曰凡人見
美食誰不欲之何得獨請然汝狂銳可嘉當以先鋒惠浹木乃帥壯士四
百騰柵而入秦兵披靡農督大衆隨之火敗秦兵斬越送首於垂越與毛
當皆秦之驍將也故秦王堅使助二子鎮守既而相繼敗沒人情騷動所

在盜賊群起庚戌燕王垂至鄴改秦建元二十年為燕元年服色朝儀皆如舊章以前岷山公庫儻官偉為左長史前尚書段崇為右長史滎陽鄭詡等為從事中郎慕容農引兵會垂於鄴垂因其所稱之官而授之立世子寶為太子封從弟拔等十七人及甥宇文輪舅子蘭審皆為王其餘宗族及功臣封公者三十七人侯伯子男者八十九人可足渾譚集兵得二萬餘人攻野王拔之引兵會攻鄴平幼及弟獻規亦帥眾數萬會垂於鄴長樂公丕使姜讓謂讓燕王垂且說之曰過而能改今猶未晚也垂曰孤受主上不世之恩故欲安全長樂公使盡眾赴京師然後脩復國家之業與秦永為鄰好何故闇於機運不以鄴城見歸若迷而不復當窮極兵勢恐軍馬求生亦不可得也讓厲色責之曰將軍不容於家國投命聖朝燕之尺土將軍豈有分乎主上與此軍風殊類別一見傾心親如宗戚寵踰勳舊自古君臣際遇有如是之者乎一旦因王師小敗遽有異圖長

公主上元子受分值之任寧可束手輸將軍以百城之地乎將軍欲殺我豈自可極其兵勢奚更云云但惜將軍以七十之年懸首白旗高世之尤更為逆鬼耳垂默然左右請殺之垂曰彼各為其主耳何罪禮而歸之遣丕書及之秦王堅表陳述利害請送丕歸長安堅及丕怒復書切責之壬子燕王垂攻鄴拔其外郭長樂公丕退守中城關東六州郡縣多送任請降於燕癸丑垂以陳留王紹行冀州刺史屯廣阿 相冲聞謝玄等有功自以失言慙恨成疾而卒 二月燕王垂引丁零烏桓之眾二十餘萬為飛梯地道以攻鄴不拔乃築長圍守之分處老弱於肥鄉築新興城以置輜重 燕范陽王德擊秦枋頭取之置戍而還東胡王曇據館陶為鄴中聲援鮮卑烏桓及郡縣民據塢壁不從燕者尚眾燕王垂遣太原王樹與鎮南將軍陳留王紹討之措謂紹曰鮮卑烏桓及冀州之民本皆燕臣今大秦始爾人心未洽所以小異唯宜緩之以德不可震之以威吾當止

一處為軍聲之本汝巡撫民夷示以大義彼必當聽從權乃屯于辟陽紹帥騎數百往說王晏為陳禍福晏隨紹詣楷降於是鮮卑烏桓及鳩民降者數十萬口摺留其老弱置守宰以撫之發其丁壯十餘萬與王晏詣鄴垂大悅曰汝兄弟才兼文武足以繼先王矣 三月秦北地長史慕容泓聞燕王垂攻鄴亡奔關東收集鮮卑眾至數千逸屯華陰敗秦將軍彊永其眾遂感自稱都督陝西諸軍事大將軍雍州牧濟北王推垂為丞相都督陝東諸軍事頗大司馬冀州牧吳王秦王堅謂權翼曰不用卿言使鮮卑至此關東之地吾不復與之爭將若泓何乃以廣平公熙為雍州刺史鎮蒲坂徵雍州牧鉅鹿公叡為都督中外諸軍事衛大將軍錄尚書事配兵五萬以左將軍竇衝為長史龍驤將軍姚萇為司馬以討泓平陽太守慕容冲亦起兵於平陽有眾二萬進攻蒲坂堅使竇衝討之 庫儻官偉營部數萬至鄴燕王垂封偉為安定王 秦冀州刺史阜城侯定守信

都高城男紹在其國高邑侯亮重合侯謨守常玉固安侯嬰守中山薛三垂遣前將軍樂浪王溫督諸軍攻信都不克夏四月丙辰遣撫軍大將軍麟益兵助之定鑿秦王堅之從叔紹謨從弟亮從子也溫燕王之弟子也慕容泓聞秦兵且至懼帥眾將奔關東秦鉅鹿公叡麤猛輕敵欲馳兵邀之姚萇諫曰鮮卑皆有思歸之志故起而為亂且驅令出關不可遏也夫執鼯鼠之尾猶能反噬於人彼自知困窮致死於我萬一失利悔將何及何可鳴鼓隨之彼將奔敗不暇矣叡弗從戰于華澤叡兵敗為泓所殺萇遣龍驤長史趙都參軍姜協詣秦王堅謝罪堅怒殺之萇懼奔渭北馬牧於是天水尹緯尹詳南安龐演等糾射堯豪帥其戶口歸萇者五萬餘家推萇為盟主萇自稱大將軍大單于萬年秦王大赦改元白雀以尹詳龐演為左右長史南安姚晃及尹緯為左右司馬天水秋伯支等為從事中郎姜訓等為掾屬王據等為參軍王欽盧姚方成等為將帥 秦竇衝

擊慕容冲于河東大破之冲帥鮮卑騎八千奔慕容泓泓衆至十餘萬遣使謂秦王堅曰吳王已定關東可速資備大駕奉送家无皇帝泓當帥關中燕人翼衛乘輿還返鄴都與秦以虎牢為界永為鄰好堅大怒召慕容暉責之曰今泓書如此卿欲去者朕當相資卿之宗族可謂入面獸心不可以國士期也偉叩頭流血涕泣陳謝堅又之曰此自三豎所為非卿之過復其位待之如初命暉以書招諭泓冲及垂暉密遣使謂泓曰吾籠中之人必無還理且燕室之罪人也不足復顧汝勉建大業以吳王為相國山中王為太宰領大司馬汝可為大將軍領司徒承制封拜聽吾死問汝便即尊位泓於是進向長安改元燕興 燕王垂以鄴城猶固會寮佐議之右司馬封衡請引漳水灌之從之垂行圍因飲於華林園秦人密出兵掩之矢下如雨垂幾不得出寇軍大將軍隆將騎衝之垂僅而得免 五月秦符定符紹皆降於燕燕慕容麟領兵西攻常山 後秦王苻進屯北

地秦華陰北地新平安定羌胡降之者十餘萬 六月秦王堅自帥步騎二萬以擊後秦軍于趙氏塢使護軍將軍楊壁等分道攻之後秦兵屢敗斬後秦王苻之弟鎮軍將軍尹買後秦軍中無升秦人塞安公谷堰同官水以困之後秦人恐懼有渴死者會天大雨後秦營中水三尺繞營百步之外可餘而已後秦軍復振秦王堅歎曰天亦佑賊乎 慕容泓謀臣高蓋等以泓德望不如慕容冲且持灋苛峻乃殺泓立冲為皇大弟承制行事置百官以高蓋為尚書令後秦王苻遣其子嵩為質於冲以請和 後秦王苻帥衆七萬擊秦秦主堅遣楊壁等拒之為嵩所敗獲楊壁及右將軍徐成鎮軍將軍毛盛等將吏數千人苻皆禮而遣之 前慕容麟拔常山秦符亮將護皆降麟進圍中山秋七月克之執符鑿麟威聲大振雷屯中山 秦幽州刺史王承平州刺史符冲帥二州之衆以擊燕燕王垂遣寧朔將軍王規擊水北遼昌黎太守宋敞遣戰於范陽敞兵敗規進據薊

攻庫仁殺之竊其駿馬奔燕公孫希之衆聞亂自潰 秦兵與公丕遣先
相及參軍封孚召驃騎將軍張珪并州刺史王騰於晉陽以自救珪騰以
衆少不能赴丕進退路窮謀於僚佐司馬楊膺請自歸於晉丕未許會謝
玄遣龍驤將軍劉卞之等據礪磧濟陽太守郭滿據滑臺將軍頽肱劉襲
軍于河北丕遣將軍祭據屯黎陽以拒之丕懼乃遣從弟就與參軍焦達
請救於玄致書稱欲假途求糧西赴國難須援軍旣接以艱與之若西路
不通長安陷沒請帥所領保守鄴城遂與參軍姜讓密謂楊膺曰今喪敗
如此長安阻絕存亡不可知臣卸竭誠以求糧援猶懼不獲而公豪氣不
除方欲兩端事必無成宜正書為表許以王師之至當致身南歸如其不
從可逼縛與之膺自以力能制丕乃改書而遣之 後秦王萇聞慕容沖
攻長安會群僚議進止皆曰大王宜先取長安建立根本然後經營四方
萇曰不然燕人因其衆有思歸之心以起兵若得其志必不又雷關中吾

當移屯嶺北廣收資實以待秦止燕去然後拱手取之耳乃留其長子
守北地使寧北將軍姚穆守同官川自將其衆攻新平初新平人殺其郡
將秦王堅缺其城角以耻之新平民望深以為痛欲立忠義以雪之及後
秦王萇至新平新平太守南安苟輔欲降之郡人遼西太守馮傑連句令
馮羽尚書郎趙義汶山太守馮苗諫曰昔田單以一城存齊今秦之州鎮
猶連城過百柰何遽為叛臣乎輔喜曰此吾志也但恐久而無救郡人橫
被無辜諸君能爾吾豈顧生哉於是憑陳固守後秦為土山地道輔亦於
內為之或戰地下或戰山上後秦之衆死者萬餘人輔詐降以誘萇萇將
入城覺之而逃輔伏兵邀擊幾獲之又殺萬餘人 鮮卑在長安城中者
猶千餘人慕容紹之兄肅與慕容暉陰謀結鮮卑為亂十二月暉白堅以
其子新昏請堅幸其家置酒欲伏兵殺之堅許之會天大雨不果往事覺
堅召暉及肅肅曰事必洩矣入則俱死今城內已嚴不如殺使者馳出旣

得出門大衆便集韓不從遂俱如堅曰吾相待何如而起此意韓飾辭以對肅曰家國事重何論意氣堅先殺肅乃殺韓及其宗族城內鮮卑無少長男女皆殺之燕王西幼子柔養於宦者宋牙家為牙子故得不坐與太子寶之子盛乘間得出奔慕容沖 燕王垂以秦長樂公丕猶據鄴不去乃更引兵圍鄴聞其西走之路焦遠見謝玄玄欲徵丕任子然後出兵遠固陳丕款誠并述楊膺之意玄乃遣劉牢之等帥衆二萬救鄴不告饑玄水陸運米二千斛以饋之

十年春正月秦王堅朝饗群臣時長安饑人相食諸將歸吐肉以飼妻子慕容沖即皇帝位于阿房改元更始沖有自得之心賞罰任情慕容盛年十三謂慕容柔曰夫士人之長亦須才過九人然後得安今中山士才不逮人功未有成而驕汰已甚殆難濟乎 後秦王苻嵩諸將攻新平自引兵擊安定擒秦安西將軍勃海公珍嶺北諸城悉降之 甲寅秦王堅與

西燕主沖戰于仇 班渠大破之乙卯戰于雀桑又破之甲子戰于白渠秦兵大敗西燕兵圍秦王堅殿中將軍鄧邁等力戰却之堅乃得免壬申沖遣尚書令高蓋夜襲長安入其南城左將軍竇衝前禁將軍李辯等擊破之斬首八百級分其屍而食之乙亥高蓋引兵攻渭北諸壘太子宏與戰於成貳辟大破之斬首三萬 二月癸未秦王堅與西燕王沖戰于城西大破之追韓至可城諸將請乘勝入城堅恐為沖所掩引兵還 劉牢之至枋頭楊膺姜讓謀泄長樂公丕收殺之牢之聞之盤桓不進 秦平原悼公暉數為西燕王丕所敗秦王堅讓之曰汝吾之才子也擁大衆與白虜小兒戰而屢敗何用生為三月暉憤恚自殺 西燕主沖攻秦高陽愍公方於驪山殺之執秦尚書高鍾以其子謙為馮翊太守使招集三輔之民馮翊壘主邵安民等責謙曰君雍州望族今乃從賊與之為不忠不義何面目以行於世 謙以告鍾鍾自殺謙來奔秦左將軍苟池右將軍俱

石子與西燕主冲戰於驪山兵敗西燕將軍慕容永斬荷池俱石子犇鄴
永鹿弟連之孫石子難之弟也秦王堅遣領軍將軍楊定擊冲大破之虜
鮮卑萬餘人而還悉阮之 三月燕王垂圍鄴久不下將北詣冀州乃命
撫軍大將軍麟屯信都樂浪王温屯中山召驃騎大將軍農還鄴於是遠
近聞之以燕為不振頗懷去就農至高邑遣從事中郎睦遠近出違期不
還長史李攀言於農曰遠日下參佐敢欺罔不還請回軍討之農不應敕
農備假板以遠為高陽太守參佐家在趙北者悉假署遣歸凡舉補太守
三人長史二十餘人退謂攀曰君所見殊誤當今豈可自相魚肉俟吾止
還遂等自當迎於道左君但觀之樂浪王温在中山兵力甚弱一零四布
分據諸城温謂諸將曰以吾之衆攻則不足守則有餘驃騎撫軍首尾連
兵會須滅賊但應聚糧厲兵以俟時耳於是撫舊招新勸課農桑民歸附
者相繼郡縣壁壘爭送軍糧倉庫充溢翟負夜襲中山温擊破之自是不
敢復至温乃遣兵一萬運糧以餉番且營中山宮室 劉牢之攻燕黎陽
太守劉撫子孫就柵燕王垂留慕容農守鄴圍自引兵救之秦長樂公丕
聞之出兵乘虛夜襲燕營農擊敗之劉牢之與垂戰不勝退屯黎陽垂復
還鄴 夏四月劉牢之進兵至鄴燕王垂逆戰而敗遂撤圍退屯新城乙
卯自新城北遁牢之不告秦長樂公丕即引兵追之丕聞之發兵繼進庚
申牢之追及垂於董唐淵垂曰秦晉瓦合相待為彊一勝則俱豪一失則
俱潰非同心也今兩軍相繼勢既未合宜急擊之牢之軍疾趨二百里至
五橋澤爭燕輜重垂邀擊大破之斬首數千級牢之單馬走會秦救至得
免鄴中饑甚秦長樂公丕帥衆就晉穀於枋頭劉牢之入屯鄴城收集亡
散兵復少振坐軍敗徵還燕秦相持經年幽冀大饑人相食邑落蕭條燕
之軍士多餓死燕王垂禁民養蠶以桑椹為軍糧垂將北趣中山以驃騎
大將軍農為前驅前所假授吏睦遠等皆來迎候上下如初李攀乃服農

之智略 新平糧竭天盡外救不至後秦王襄使人謂荀輔曰吾方以義
取天下豈讎忠臣邪卿但帥城中之人還長安吾正欲得此城耳輔以為
然帥民五千口出城襄圍而阮之男女無遺獨馮傑子終得脫奔長安秦
王堅追贈輔等官爵皆謚曰節愍侯以終為新平太守 五月西燕主沖
攻長安秦王堅身自督戰飛矢滿體流血淋漓沖縱兵暴掠關中士民流
散道路斷絕千里無煙有堡壁三十餘推平遠將軍趙敖為主相與結盟
冒難遣兵糧助堅多為西燕兵所殺堅謂之曰聞來者率不善達此誠忠
臣之義然今寇難殷繁非一人之力所能濟也徒相隨入虎口何益汝曹
宜為國自愛畜糧厲兵以俟天時庶幾善不終否有時而泰也三輔之民
為沖所略者遣人密告堅請遣兵攻沖欲縱火為內應堅曰甚哀諸卿忠
誠然吾猛士如虎豹利兵如霜雪困於烏合之虜豈非天乎恐徒使諸卿
坐自夷滅吾不忍也其人固請不已乃遣七百騎赴之沖營縱火者反為
風火所燒其得免者什一二堅祭而哭之衛將軍楊定與沖戰於城西為
沖所擒定秦之驍將也堅大懼以讖書云帝出五將父長得乃晉太子宏
守長安謂之曰天其或者欲導予出外汝善守城勿與賊爭利吾當出隴
收兵運糧以給汝遂帥騎數百與張夫人及中山公詵二女寶錦出奔五
將山宣告州郡期以孟冬救長安 六月秦太子宏不能守長安將數千
騎與母妻宗室西奔下辯百官逃散司隸校尉權翼等數百人奔後秦西
燕主沖入據長安縱兵大掠死者不可勝計 秋七月秦王堅至五將山
後秦王苻遣驍騎將軍具忠帥騎圍之秦兵皆散走獨侍御十數人在側
堅神色自若坐而待之召宰人進食俄而忠至執之送詣新平幽於別室
太子宏至下辯南秦州刺史楊辟拒之辟妻堅之女順陽公主也棄其夫
從宏宏奔武都投氏豪疆廙假道來奔詔處之江州長樂公丕帥衆自枋
頭將歸鄴城龍驤將軍檀玄擊之玄兵敗丕復入鄴城 八月後秦王苻

使求傳國璽於秦王堅曰長次應歷數可以為惠堅瞋目叱之曰小羌敢
逼天子五胡次序無汝羌名璽已送晉不可得也長復遣右司馬紱說
堅求為禪代堅曰禪代聖賢之事姚長叛賊何得為之堅與紱語問紱在
朕朝何官紱曰尚書今史堅歎曰卿王景略之儔宰相才也而朕不知卿
宜其亡也堅自以平生遇長有恩先忿之數罵長求死謂張夫人曰豈可
令羌奴辱吾兒乃先殺寶錦辛丑長遣人縊堅於新平佛寺張夫人中山
公誥皆自殺後秦將士皆為之哀慟長欲隱其名謚堅曰壯烈天王

臣光曰論者皆以為秦王堅之亡由不殺慕容垂姚萇故也臣獨以為不
然許劭謂魏武帝治世之能臣亂世之姦雄使堅治國無失其道則垂萇
皆秦之能臣也烏能為亂哉堅之所以亡由驕勝而驕故也魏文侯問李
充兵之所以亡對曰數戰數勝文侯曰數戰數勝國之福也何故亡對曰
數戰則民疲數勝則主驕以驕主御疲民未有不亡者也秦王堅似之矣

長樂公不在鄴將西赴長安 幽州刺史王承在壺關遣使招丕丕乃帥鄴
中男女六萬餘口西如潞川 驃騎將軍張蚝拜州刺史王騰迎之入晉陽
王永留平州刺史符冲守壺 關自帥騎一萬會丕于晉陽丕始知長安不
守堅已死乃發喪即皇帝位 追謚堅曰宣昭皇帝廟號世祖大赦改元六
安 燕王垂以魯王和為南中即將鎮鄴 九月秦王丕以張蚝為侍中
司空王承為侍中都督中外 諸軍事車騎大將軍尚書令王騰為中軍大
將軍司隸校尉符冲為尚書 左僕射封西平王又以左長史楊輔為右僕
射右長史王亮為護軍將軍 立妃楊氏為皇后子寧為皇太子壽為左樂
王鏘為平原王懿為勃海王 昶為濟北王 秦尚書令魏昌公纂自關中
犇晉陽秦主丕拜纂太尉封 東海王 冬十月西燕主冲遣尚書令高蓋
帥眾五萬伐後秦戰于新平 南蓋大敗降於後秦 符定符紹符謨符亮
聞秦主丕即位皆自河上遣 使謝罪中山太守王亮本新平氏也固守博

陵為秦拒燕十一月丕以亮為平州刺史定為冀州牧紹為冀州都督謨
為幽州牧亮為幽平二州都督並進爵郡公左將軍寶衝據茲川有衆數
萬與秦州刺史王統河州刺史毛興益州刺史王廣南秦州刺史楊驎衛
將軍楊定皆自隴右遣使邀丕共擊後秦丕以定為雍州牧衝為梁州牧
加統鎮西大將軍興車騎大將軍驎征南大將軍並開府儀同三司加廣
安西將軍皆進位州牧 慕容麟攻王亮于博陵城中糧竭矢盡功曹張
猗踰城出聚衆以應麟充臨城歡之曰卿是秦民吾是卿君卿起兵應賊
自號義兵何名實之相違也古人求忠臣必於孝子之門卿母在城棄而
不顧吾何有焉今人取卿一切之功則可矣寧能忘卿不忠不孝之事乎
不意中州禮義之邦乃有如卿者也十二月麟拔博陵執亮及符鑑殺之
昌黎太守宋敞帥烏栢索頭之衆救亮不及而還秦主丕以敞為平州刺
史 十二月燕王垂北如中山謂諸將曰樂浪王招流散實倉廩外給軍

糧內營宮室雖蕭何何以加之丙申垂始定都中山 秦符定據信都以
拒燕燕王垂以從弟北地王精為冀州刺史將兵攻之
十一年春正月燕王垂即皇帝位 後秦王苻如安定 秦益州牧王廣
自隴右引兵攻河州牧毛興於枹罕興遣建節將軍衛平帥其宗人二千
七日夜襲廣大破之二月秦州牧王統遣兵助廣攻興嬰城自守 燕
大赦改元建興置公卿尚書百官繕宗廟杜稷 西燕主冲樂在長安且
畏燕主垂之彊不敢東歸課農築室為父安之計鮮卑咸怨之左將軍韓
延因衆心不悅攻冲殺之立冲將段隨為燕王改元昌平 三月西燕左
僕射慕容相尚書慕容永襲段隨殺之立宜都王子顛為燕王改元建明
帥鮮卑男女四十餘萬口去長安而東恒弟護軍將軍韜誘顛殺之於臨
晉恒怒捨韜於永興武衛將軍刁雲帥衆攻韜韜敗奔恒營恒立西燕主
冲之子瑤為帝改元建平謚冲曰威皇帝衆皆去瑤奔永執瑤殺之立

慕容泓子忠為帝改元建武忠以永為太尉守尚書令封河東公永持邊
寬平鮮卑安之至聞喜聞燕主垂已稱尊號不敢進築燕熙城而居之
鮮卑既東長安空虛前榮陽太守高陵趙毅等招杏城盧水胡郝奴帥戶
四千入于長安渭北皆應之以毅為丞相扶風王麟有衆數千保據馬嵬
奴遣弟多攻之夏四月後秦王萇自安定伐之麟奔漢中萇執多而進奴
懼請降拜鎮北將軍六谷大都督 毛興襲擊王廣敗之廣奔秦州隴西
鮮卑匹蘭執廣送於後秦興復欲攻王統於上邽枹罕諸氏皆厭苦兵事
乃共殺興推衛平為河內刺史遣使請命于秦 秦大赦以衛平為撫軍
將軍河州刺史使者沒於後秦不能達 後秦王萇即皇帝位于長安大
赦改元建初國號大秦追尊其父弋仲為景元皇帝立妻虵氏為皇后子
興為太子置百官萇與羣臣宴酒酣言曰諸卿皆與朕北面秦朝今忽為
君臣得無耻乎趙遷曰天不恥以陛下為子臣等何恥為臣萇大笑 六

西燕刁雲等殺西燕主忠推慕容永為使持節大都督中外諸軍事大
將軍大單于雍秦梁涼四州牧錄尚書事河東王稱藩于燕 燕主垂遣
大原王楷趙王麟陳留王紹章武王宙攻秦符定符紹符謨符亮等楷先
以書與之為陳禍福定等皆降垂封定等為侯曰以酬秦主之德 秦主
丕以都督中外諸軍事司徒錄尚書事王永為左丞相大尉東海王纂為
大司馬司空張蚝為大尉尚書令咸陽徐義為司空司隸校尉王騰為驃
騎大將軍儀同三司永傳檄四方公侯牧守壘主民豪共討姚萇慕容垂
令各帥所統以孟冬上旬會大駕于臨晉於是天水姜延馮翊寇明河東
王昭新平張晏京兆杜敏扶風馬朗建忠將軍高平牧官都尉扶風王敏
等咸承檄起兵各有衆數萬遣使詣秦丕皆就拜將軍郡守封列侯冠軍
將軍鄧景擁衆五千據彭池與竇衝為首尾以擊後秦丕以景為京兆尹
景羌之子也 後秦主萇徙安定五千餘戶于長安 秋七月秦平涼太

守金熙安定都尉沒奔干與後秦左將軍姚方成戰于孫兵谷方成兵敗
後秦王苻萇以其弟征虜將軍緒為司隸校尉鎮長安自將至安定擊熙等
大破之金熙本東胡之種沒奔干鮮卑多蘭部帥也 枹罕諸氏以衛平
衰老難以成功議廢之而憚其宗彊累日不決氏啖青謂諸將曰大事宜
時定不然變生諸君但請衛公為會觀我所為會七夕大宴青抽劍而前
曰今天下大亂吾曹休戚同之非賢主不可以濟大事衛公老宜返初服
以避賢路狄道長符登雖王室疎屬志略雄明請共立之以赴大駕諸君
有不同者即下異議乃奮劍攘袂將斬異已者衆皆從之莫敢仰視於是
推登為使持節都督隴右諸軍事大將軍雍河二州牧略陽公帥衆五萬
東下隴攻南安拔之馳使請命于秦登秦主丕之族子也 八月秦主丕
以符登為征西大將軍開府儀同三司南安王持節州牧都督皆因其所
稱而授之又以徐羲為右丞相留王騰守晉陽右僕射楊輔成壺關帥衆

四萬進屯平陽 初後秦王萇之弟碩德統所部羌居隴上聞萇起兵曰
稱征西將軍聚衆於冀城以應之以允孫詳為安遠將軍據隴城從孫訓
為安西將軍據南安之赤亭與秦秦州刺史王統相持萇自安定引兵會
碩德攻統天水屠各略陽 胡應之者二萬餘戶秦略陽太守王皮降之
九月王統以秦州降于後秦後秦主萇以姚碩德為使持節都督隴右
諸軍事秦州刺史鎮上邽 冬十月西燕慕容永遣使詣秦主丕求假道
東歸丕弗許與永戰於襄陵秦兵大敗左丞相王永衛大將軍俱石子皆
死初東海王纂自長安來歷下壯士三千餘人丕忌之既敗懼為纂所殺
帥騎數千南奔東垣謀襲洛陽揚威將軍馮該自陝邀擊之殺丕執其大
子寧長樂王壽送建康詔赦不誅以符宏纂與其弟尚書永平侯師奴
帥秦衆數萬走據杏城所餘王公百官皆沒於永永遂進據長子即皇帝
位改元中興將以秦后楊氏為上夫人楊氏引劍刺永為永所殺 後秦

主莒還安定 秦南安王登既克南安夷夏歸之者三萬餘戶遂進攻姚碩德十秦州後秦主莒自往救之登與莒戰于胡奴阜大破之斬首二萬餘級將軍啖青射莒中之莒創重走保上邽姚碩德代之統衆 十一月秦尚書寇遺奉勃海王懿濟北王昶自杏城奔南安南安王登發喪行服謚秦主丕曰哀平皇帝登議立懿為主衆曰勃海王雖先帝之子然年在幼冲未堪多難今三虜窺覲宜立長君非大王不可登乃為壇於隴東即皇帝位大赦改元太初置百官 慕容柔慕容盛及盛弟會皆在長子盛謂柔會曰主上已中興幽冀東西未壹吾屬居嫌疑之地為智為愚皆將不免不若以時東歸無為坐待魚肉也遂相與亡歸燕後歲餘西燕主永悉誅燕主雋及燕主垂之子孫男女無遺 十二月秦主登立世祖神王於軍中載以輜輶建黃旗青蓋以虎賁三百人衛之凡所欲為必啟主而後行引兵五萬東擊後秦將七皆刻鉞鎧為妃休字每戰以劔稍為方圓

大陣知有厚薄從中分配故人自為戰所向無前初長安之將敗也中壘將軍徐嵩屯騎校尉胡空各聚衆五千結壘白固既而受後秦官爵後秦主莒以王禮葬秦主堅於二壘之間及於至嵩空以衆降之登拜嵩雍州刺史空京兆尹改葬堅以天子之禮 十二年春正月秦主登立妃毛氏為皇后勃海王懿為大弟后與之女也遣使拜東海王纂為使持節都督中外諸軍事太師領大司馬封魯王纂弟師奴為撫軍大將軍并州牧封朔方公纂怒謂使者曰勃海王先帝之子也南安王何以不立而自立乎長史王旅諫曰南安已立理無中改今寇虜未滅不可宗室之中自為仇敵也纂乃受命於是廬水胡彭沛殺屠各董成張龍世新平羌雷惡地等皆附於纂有衆十餘萬 後秦主莒徙秦州豪傑十萬戶于安定 三月秦主登以寶衛為南秦州牧楊定為益州牧楊辟為司空梁州牧 夏四月後秦征西將軍姚碩德為楊定所逼

退守涇陽定與秦曾王纂共攻之戰于涇陽碩德大敗後秦主萇自陰密
救之纂退屯敷陸 燕主垂自碣磔還中山慕容柔慕容盛慕容會來自
長子庚辰垂為之大赦垂問盛長子人情如何為可取乎盛曰西軍擾擾
人有東歸之志陛下唯當修仁政以俟之耳若大軍一臨必投戈而來若
孝子之歸慈父也垂悅於未封柔為陽平王盛為長樂公會為清河公
秋七月秦主登軍于瓦亭後秦主萇攻彭浦穀堡拔之穀犇杏城萇還陰
密以太子興鎮長安 八月秦馮翊太守蘭積帥眾二萬自頻陽入和寧
與曾王纂謀攻長安纂弟師奴勸纂稱尊號纂不從師奴殺纂而代之積
遂與師奴絕西燕主永攻積積遣使請救於秦後秦主萇欲自救之尚書
令姚弋左僕射尹緯曰符登近在瓦亭將乘虛龍吾後萇曰符登眾盛非
旦夕可制登逢重少決必不能輕軍深入比兩月間吾必破賊而返登雖
至無能為也九月萇軍于泥源師奴逆戰大敗亡犇鮮卑後秦盡收其眾

屠各童成等皆降 秦主登進據胡空堡戎夏歸者十餘萬 後秦主
進擊西燕主永於河西永走蘭積復列兵拒守萇攻之十二月禽積遂如
杏城 後秦姚方成攻秦雍州刺史徐嵩壘拔之執嵩而數之嵩罵曰汝
姚萇罪當萬死符黃眉欲斬之先帝止之授任內外榮寵極矣曾不如大
馬識所養之恩親為大逆汝羌輩豈可以人理期也何不速殺我早見先
帝取姚萇於地下治之方成怒三斬嵩悉阮其士卒以妻子賞軍後秦主
萇極秦主堅尸鞭撻無數剥衣裸形薦之以棘坎土而埋之

十三年春二月秦主登軍朝那後秦主萇軍武都 秋七月秦後秦自春
相持屢戰互有勝負至是各解歸關西豪傑以後秦又無成功多去而附
秦 八月秦主登立子崇為皇太子 冬十月後秦主萇還安定秦主登
就食新平帥眾萬餘圍長營四面大焚萇命營中哭以應之登乃退
十四年春正月後秦主萇以秦戰屢勝謂得秦王堅之神助亦於軍中立

堅像而禱之曰臣兄襄救臣復讎新平之禍臣行襄之命非臣罪也符登
陛下踈屬猶欲復讎况臣敢忘其兄乎且陛下命臣以龍驤建業臣敢違
之今為陛下立像陛下勿追計臣過也秦主登升樓遥謂長曰為臣弑君
而立像求福庸有益乎因大呼曰弑君賊姚萇何不自出吾與汝決之萇
不應久之以戰未有利軍中每夜數驚乃斬像首以送秦 夏五月後秦
主萇與秦主登戰數敗乃遣中軍將軍姚崇襲大界登邀擊之於安丘又
敗之 秋七月秦王登攻後秦右將軍吳忠等於平涼克之八月登據苟
頭原以逼安定諸將勸後秦主萇決戰萇曰與龜寇競勝兵家之忌也吾
將以計取之乃番尚書令姚昱守安定夜帥騎三萬襲秦輜重于大界克
之殺毛后及南安王弁北海王尚擒名將數十人驅掠男女五萬餘口而
還毛氏美而勇善騎射後秦兵入其營毛氏猶彎弓跨馬帥壯士數百力
戰殺七百餘人衆寡不敵為後秦所執萇將納之毛氏罵且哭曰姚萇汝

先已殺天子今又欲辱皇太后 皇天后土寧汝容乎萇殺之諸將欲因秦
軍駭亂擊之萇曰登衆雖亂然氣猶盛未可輕也遂止登收餘衆屯胡空
堡萇使姚碩德鎮安定徙安定八千餘家于陰密遣其弟征南將軍靖鎮之
秦主登之東也後秦主萇使姚碩德置秦州守宰以從弟常成隴城邢奴
成冀城姚詳成略陽楊定攻隴 冀克之斬常執邢奴詳棄略陽奔陰密定
自稱秦州牧隴西王秦因其所稱而授之 冬十月秦主登以竇衝為大
司馬都督隴東諸軍事雍州牧楊定為左丞相都督中外諸軍事秦梁二
州牧楊辟為都督隴右諸軍事南秦益二州牧約與共攻後秦又約監州
西諸軍事并州刺史楊政都督河東諸軍事冀州刺史楊楷各帥其衆會
長安政楷皆河東人秦主登既敗政楷收集流民數萬戶政據河西楷據
湖陝之間遣使請命於秦登因而授之 十二月後秦主萇使其東門將
軍任寗詐遣使招秦主登許開門納之登將從之征東將軍雷熙地將兵

通鑑紀事本末 卷之六
在外聞之馳騎見登曰姚萇多詐不可信也登乃止萇聞惡地詣登謂諸將曰此羌見登事不成矣登以惡地勇略過人陰憚之惡地懼降於後秦萇以惡地為鎮軍將軍

十五年春正月西燕王永引兵向洛陽朱序自河陰北濟河擊敗之三月後秦主萇攻秦扶風太守齊益男於新羅堡克之益男走秦主登攻後秦天水太守張崇生於隴東萇救之登引去秋七月馮翊人郭質起兵於廣鄉以應秦移檄三輔曰姚萇凶害毒被神人吾屬世蒙先帝堯舜之仁非常伯納言之子即卿校牧守之孫也與其含恥而存孰若蹈道而死於是三輔壁壘皆應之獨鄭縣人苟曜不從聚眾數千附於後秦秦以質為馮翊太守後秦以曜為豫州刺史冬十二月郭質及苟曜戰于鄭東質敗奔洛陽

十六年春三月秦主登自雍攻後秦安東將軍金榮于范氏堡克之遂渡渭水攻京兆太守韋範于段氏堡不克進據曲牢夏四月燕蘭汗破質於于於牛都苟曜有眾一萬密召秦主登許為內應登自曲牢向繁川軍于馬頭原五月後秦主萇引兵逆戰登擊破之斬其右將軍吳忠萇收眾復戰姚碩德曰陛下慎於輕戰每欲以計取之今戰失利而更前逼賊何也萇曰登用兵遲緩不識虛實今輕兵直進遙據吾東此必苟曜豎下與之有謀也緩之則其謀得成故及其交之未合急擊之以敗散其事耳遂進戰大破之登退屯於郿秦兖州刺史彊金槌據新平降後秦以其子達為質後秦主萇將數百騎入金槌營羣下諫之萇曰金槌既去符登又欲圖我將安所歸乎且彼初來款附宜推心以結之柰何復以不信疑之乎既而羣臣欲取萇金槌不從秋七月秦主登攻新平後秦主萇救之登引去冬十二月秦主登攻安定後秦主萇如陰密以拒之謂太子興曰苟曜聞吾壯行必來見汝汝執誅之曜果見興於長安興使尹緯讓而

誅之莫敢登於安定城東登退據路承堡莫置酒高會諸將皆曰若值魏武王不令此賊至今陛下將牢太過耳莫笑曰吾不如亡兄有四身長八尺五寸臂垂過膝人望而畏之一也將十萬之衆與天下爭衡望麾而進前無橫陣二也温古知今講論道藝收羅英雋三也董帥大衆上下咸悅人盡死力四也所以得建立功業驅策羣賢者正望筭略中有片長耳羣臣咸稱萬歲

十七年春三月後秦主莫寢疾命姚碩德鎮李潤尹緯守長安召太子興詣行營征南將軍姚方成言於興曰今寇敵未滅上復寢疾王統等皆有部曲終為人患宜盡除之興從之殺王統王廣符胤徐成毛盛莫怒曰王統兄弟吾之州里實無他志保成等皆前朝名將吾方用之柰何輒殺之秋七月秦主登聞後秦主莫疾病大喜告祠世祖神主大赦百官進位二等秣馬厲兵進逼安定去城九十里八月莫疾小瘳出兵拒之登引

兵出營將逆戰莫遣安南將軍姚熙隆別攻秦營登懼而還莫夜引兵旁出以躡其後旦而候騎告曰賊諸營已空不知所向登驚曰彼為何人去今我不知來令我不覺謂其將死忽然復來朕與此羌同世何其厄哉登遂還雍莫亦還安定 巴蜀人在關中者皆叛後秦據弘農以附秦秦主登以實衝為左丞相衝徙屯華陰郝恢遣將軍趙睦守金墉河南太守楊佺期帥衆軍湖城擊衝走之

十八年夏五月秦右丞相竇衝矜才尚人自請討天水王秦主登不許六月衝自稱秦王改元元光 秋七月秦主登攻竇衝於野人堡衝求救於後秦尹緯言於後秦主莫曰太子仁厚之稱著於遠近而夷略未著請使擊符登以著之莫從之太子興將兵攻胡空堡登解衝圍以赴之興因襲平涼大獲而歸莫使興還鎮長安 冬十月後秦主莫疾甚還長安 燕主垂議伐西燕諸將皆曰永未有蒙我連年征討士卒疲弊未可也范陽

王德曰永既國之枝葉又僭舉位踰惑民視聽宜先除之以壹民心士卒雖疲庸得已乎垂曰司徒意正與吾同吾比老叩囊底智足以取之終不復晉此賊以累子孫也遂戒嚴十一月垂發中山步騎七萬遣鎮西將軍丹楊王續龍驤將軍張崇出并陘攻西燕武鄉公友于晉陽征東將軍平規攻鎮東將軍段平于沙亭西燕王永遣其尚書令刁雲軍騎將軍慕容鍾帥衆五萬守潞川友永之弟也十二月垂至鄴 己亥後秦主苻苳召太子姚弋僕射尹緯姚晃將軍姚大目尚書狄伯支入禁中受遺詔輔政苻謂太子興曰有毀此諸公者慎勿受之汝撫骨肉以恩接大臣以禮待物以信遇民以仁四者不失吾無憂矣姚晃垂涕問取符登之策苻曰今大業垂成興才智足辦奚所復問庶子苻卒興秘不發喪以其叔父緒鎮安定碩德鎮陰密弟崇守長安或謂碩德曰公威名素重部曲敢彊今易世之際必為朝廷所疑不如且奔秦州觀望事勢碩德曰太子志度寬明必

不慮今符登未滅而骨肉相攻是自亡也吾有死而已終不為也
見興與優禮而遣之興自稱大將軍以尹緯為長史狄伯支為司馬帥無
伐秦

十九年春正月秦主登聞後秦主苻苳卒喜曰姚興小兒吾折杖笞之耳乃大赦盡衆而東留司徒安成王廣守雍太子崇守胡空堡 二月燕主垂留清河公會鎮鄴發司冀青兗兵遣太原王楷出滏口遼西王農出壺關垂自出沙庭以擊西燕標榜所趣軍各就頓西燕王永聞之嚴兵分道拒守聚糧臺壁遣從子征東將軍小逸豆歸鎮東將軍王次多右將軍勒馬駒帥衆萬餘人戍之 夏四月秦主登自六陌趣廢橋後秦始平太守姚詳據馬嵬堡以拒之太子興遣尹緯將兵救詳繼據廢橋以待秦秦兵爭水不能得渴死者什二三因急攻緯興馳遣狄伯支謂緯曰符登窮寇宜持重以挫之緯曰先帝登遐人情擾懼今不因思奮之力以禽敵大事去

矢遂與秦戰秦兵大敗其夜秦衆潰登單騎奔雍太子崇及安成王廣聞
敗皆棄城走登至無所歸乃犇平涼收集遺衆入馬毛山燕主垂頓軍
鄴西南月餘不進西燕主永怪之以為太行道寬疑垂欲詭道取之乃悉
斂諸軍屯軹關杜太行口惟留臺鮮一軍甲戌垂引大軍出滏口入天井
關五月乙酉燕軍至臺鮮永遣從兄太尉大逸豆歸救之平規破之小
逸豆歸出戰遼西王農又擊破之斬勒馬駒禽王次多遂圍臺鮮出召太
行軍還自將精兵五萬以拒之刁雲慕容鍾震怖帥衆降燕永誅其妻子
已亥垂陳于臺鮮南遣驍騎將軍慕容國伏千騎於澗下庚子與永合戰
垂偽退永衆追之行數里國騎從澗中出斷其後諸軍四面俱進大破之
斬首八千餘級永走歸長子晉陽守將聞之棄城走丹楊王瓚等進取晉
陽五月後秦太子興始發喪即皇帝位于槐里大赦改元皇初遂如安
定謚後秦主苻曰武昭皇帝廟號太祖六月燕主垂進軍圍長子酉燕
主永欲犇後秦侍中蘭英曰昔石虎伐鄴都太祖堅守不去卒成大燕之
基今垂七十老翁厭苦兵革終不能頓兵六連歲以攻我也但當城守以疲
之永從之秦主登遣其子汝陰王宗質於河南王乾歸以請救進封
乾歸梁王納其妹為梁王后乾歸遣前軍將軍乞伏益州等帥騎一萬救
之秋七月登引兵出迎乾歸兵後秦主興自安定如涇陽與登戰于山南
執登殺之悉歸其部衆使歸農徙陰密三萬戶於長安以李后賜姚晃
益州等聞之引兵還秦太子崇犇湟中即帝位改元延初謚登曰高皇帝
廟號太宗八月西燕主永困急遣其子常山公私等求救於雍州刺史
郗恢并獻玉璽一緘恢上書言垂若并永為患益深不如兩存之可以乘
機雙斃帝以為然詔青兗二州刺史王恭豫州刺史庾楷救之楷亮之孫
也永恐晉兵不出又遣其太子亮來為質平規遣亮及於高都獲之永又
告急於魏魏王珪遣陳留公虔將軍庾岳帥騎五萬東渡河屯秀容以救

之晉魏兵皆未至大逸豆歸等部將伐勒等開門納燕兵燕人執永斬之并斬其公卿大將刁雲大逸豆歸等三十餘人得永所統八郡七萬餘戶及秦乘輿服御妓樂珍寶甚衆九月垂自長子如鄴 十月秦王崇為梁王乾歸所逐奔隴西王楊定定留司馬邵彊守秦州帥衆二萬與崇共攻乾歸乾歸遣涼州牧軻彈秦州牧益州立義將軍詰歸帥騎三萬拒之益州與定戰敗於平州軻彈詰歸皆引退軻彈司馬崔瑗奮劍怒曰主上以雄武開基所向無敵威振秦蜀將軍以宗室居元帥之任當竭力致命以佐國家今秦州雖敗二軍尚全奈何望風退衄將何面以見主上乎瑗雖無任獨不能以便宜斬將軍乎軻彈謝曰向者未知衆心何如耳果能若是吾敢愛死乃帥騎進戰益州詰歸亦勒兵繼之大敗定兵殺定及崇斬首萬七千級乾歸於是盡有隴西之地定無子其叔父佛狗之子盛先守仇池自稱征西將軍秦州刺史仇池公謚定為武王仍遣使來稱藩秦太子宣稱盛分氏羌為二十部漢軍各為鎮戍不置郡縣

丁零叛燕

晉武帝太元八年丁零翟斌起兵叛秦慕容鳳及燕故臣之子燕郡王騰遼西段延等名帥部曲歸之初丁零翟斌世居康居後徙中國九年慕容鳳王騰段延皆勸翟斌奉慕容垂為盟主斌從之垂至洛陽斌帥其衆來與垂會勸垂稱尊號垂至滎陽稱大將軍大都督燕王承制以翟斌為建義大將軍封河南王事見慕容垂秦復燕翟斌恃功驕縱邀求無厭又以鄴城久不下潛有貳心太子寶請除之燕王垂曰河南之盟不可負也若其為難罪由於斌今事未成形而殺之人必謂我忌憚其功能吾方收攬豪傑以隆大業不可示人以狹失天下之望也藉彼有謀吾以智防之無能為也范陽王德陔留王紹驃騎大將軍農皆曰翟斌兄弟恃功而驕必為國患垂曰驕則速敗焉能為患彼有大功當聽其自斃耳禮遇彌重

斌諷丁零及其黨請斌為尚書令垂曰程王之功宜居上輔但臺既未建此官不可遽置耳斌怒密與前秦長樂公丕通謀使丁零決隄潰水事覺垂殺斌及其弟檀敏餘皆赦之斌兄子真夜將營衆北奔邯鄲引兵還向鄴圍欲與丕內外相應太子寶與冠軍大將軍隆擊破之真還走邯鄲太原王楷陳留王紹言於垂曰丁零非有大志但龍過為亂耳今急之則屯聚為寇緩之則自散散而擊之無不克矣垂從之秋八月程真自邯鄲北走燕王垂遣太原王楷驃騎大將軍農帥騎追之甲寅及於下邑楷欲戰農曰士卒飢倦且視賊營不見丁壯殆有他伏楷不從進戰燕兵大敗真北趨中山屯于承營冬十月程真在承營與公孫希宋敞遙相首尾十一月燕慕容農自信都西擊丁零程遼於魯口破之遼退屯無極農屯葉城以逼之適真之從兄也十二月燕慕容麟慕容農合兵襲程遼大破之遼單騎奔程真

十年春二月慕容農引兵會慕容麟於中山與共攻程真麟農先帥數千騎至承營觀察形執程真望見陳兵而出諸將欲退農曰丁零非不勁勇而程真懦弱今簡精銳擊其所住而衝之真走衆必散矣乃邀門而蹙之可盡殺也使驍騎將軍慕容國帥其餘騎衝之真走其衆爭門自相蹈藉死者大半遂拔承營外郭夏四月程真自承營徙北行唐真司馬鮮于乞殺真及諸翟自立為趙王營人共殺乞立真從弟成為主其衆多降於燕閏五月庚戌燕王垂至常山圍程成於行唐命帶方王佐鎮龍城秋七月癸酉程成長史鮮于得斬成出降垂屠行唐盡阮成衆

十一年鮮于乞之殺程真也程遼奔黎陽黎陽太守滕恬之甚愛信之恬之喜畋獵不愛士卒遂潛施蠶惠以收衆心恬之南攻鹿鳴城遼於後閉門拒之恬之東奔鄆城遼追執之據黎陽豫州刺史朱序遣將軍秦膺童斌與淮泗諸郡共討之春三月泰山太守張願以郡叛降程遼秋

八月程遼寇譙朱序擊之

十二年春正月程遼遣其子釗寇陳賴朱序遣將軍秦膺擊走之 夏四

月高平人程暢執太守徐含遠以郡降程遼燕王垂謂諸將曰遼以一城

之衆反覆二國之間不可不討五月以章武王宙監中外諸軍事輔太子

寶守中山垂自帥諸將南攻遼以太原王楷為前鋒都督遼衆皆燕趙之

人聞楷至皆曰太原王子吾之父母也相帥歸之遼懼遣使請降垂以遼

為徐州牧封河南公前至黎陽西降而還井陘人賈鮑招引壯山丁零翟

遙等五千餘人夜襲中山陷其外郭章武王宙以奇兵出其外太子寶鼓

譟於內合擊大破之盡俘其衆並遙鮑單馬走免 冬十月程遼復叛燕

遣兵與上祖張中寇抄清河平原

十三年春二月程遼遣司馬睦攻詣燕謝罪燕王垂以其數反覆斬項以

絕之遼乃自稱魏天王改元建元置百官 夏五月程遼徙屯滑臺

十四年夏四月程遼寇滎陽執八守張卓 冬十月燕樂浪悼王溫為冀

州刺史程遼遣丁零故堤詐降於溫為溫帳下乙酉刺溫殺之并其長史

司馬驅帥守兵二百戶奔西燕西王農邀擊於襄國盡獲之惟堤走免

十五年秋八月劉牢之擊程釗於郵城釗走河北又敗程遼於滑臺張願

來降

十六年冬十月程遼卒于釗代立改元定鼎攻燕鄴城燕遼西王農却之

十七年春二月壬寅燕王垂自西口如河間渤海平原程釗遣其將程都

侵館陶屯蘇康壘二月垂引兵南擊釗 燕王垂進逼蘇康壘夏四月程

都南走滑臺程釗求救於西燕西燕王永謀於羣臣尚書郎渤海鮑遵曰

使兩寇相擊吾承其後此卞莊子之策也中書侍郎太原張騰曰垂彊釗

弱何弊之承不如速救之以成鼎足之勢今我引兵趨中山晝多疑兵夜

多火炬垂必懼而自救我衝其前釗躡其後此天授之機不可失也永不

從 六月燕主垂軍黎陽臨河欲濟崔釗列兵南岸以拒之辛亥垂徙營就西津去黎陽西四十里為牛皮船百餘艘偽列兵仗泝流而上釗亟引兵趣西津垂潛遣中壘將軍桂林王鎮等自黎陽津夜濟營于河南北明而營成釗聞之亟還攻鎮等營垂命鎮等堅壁勿戰釗兵往來疲竭攻營不能拔將引去鎮等引兵出戰騎將軍農自西津濟與鎮等夾擊大破之釗走還滑臺將妻子收遺衆於濟河登白鹿山憑險自守燕兵不得進農曰釗無糧不能久居山中乃引兵還留騎候之釗果下山還兵掩擊盡獲其衆釗單騎奔長子西燕主亦以釗為車騎大將軍兗州牧封東郡王歲餘釗謀反永殺之初郝叅崔浩之及清河崔宏新興長卓遼東夔騰陽平路纂皆仕於秦避秦亂來齊詔以為冀州諸郡各將部曲營於河南既而受翟氏官爵翟氏敗皆降於燕燕主垂各隨其材而用之釗所統七郡三萬餘戶皆按堵如故以章武王宙為兗豫二州刺史鎮滑臺徙徐州民七千餘戶于黎陽以彭城王脫為徐州刺史鎮黎陽脫垂之弟子也垂以崔蔭為宙司馬初陳留王紹為鎮南將軍太原王楷為征西將軍樂浪王溫為征東將軍垂皆以蔭為之佐蔭才幹明敏彊正善規諫四王皆嚴憚之及至簡刑灑輕賦役流民歸之戶口滋息 秋七月以太原王楷為冀州牧右光祿大夫餘蔚為大僕射

拓跋興魏

魏元皇帝景元二年鮮卑索頭部大人拓跋力微始遣其子沙漠汗入貢因留為質 力微之先世居壯荒不交南夏至可汗毛始疆大統國三十六大姓九十九後五世至可汗推寅南遷大澤又七世至可汗鄰使其兄弟七人及族人乙旃氏怙氏分統部衆為十族鄰老以位授其子詰汾使南遷遂居匈奴故地詰汾卒力微立復徙居定襄之盛樂部衆浸盛諸部皆畏服之

晉武帝泰始三年遣鮮卑拓跋沙漠汗歸其國

咸寧元年夏六月鮮卑拓跋力微復遣其子沙漠汗入貢將還幽州刺史衛瓘表請留之又密以金賂其諸部大人離間之

三年冬十一月衛瓘遣拓跋沙漠汗歸國自沙漠汗入質力微可汗諸子在側者多有竄及沙漠汗歸諸部大人共譖而殺之既而力微疾篤烏桓王庫賢親近用事受衛瓘賂欲擾動諸部乃礪谷於庭謂諸大人曰可汗恨汝曹護殺太子欲盡收汝曹長子殺之諸大人懼皆散走力微以憂卒時年四子悉祿立其國遂衰初幽并二州皆與鮮卑接東有務相西有力微多為邊患衛瓘密以計間之務相降而力微死朝廷嘉瓘功封其弟為亭侯

太康七年鮮卑拓跋悉鹿卒弟綽立

惠帝元康三年夏六月拓跋綽卒弟苻立

四年拓跋弗卒叔父祿官立

五年冬十二月拓跋祿官分其國為三部一居上俗之北濡源之西自統之一居代郡參合波之北使兄沙漠汗之子猗也統之一居定襄之盛繼故城使猗也弟猗盧統之猗盧善用兵西擊匈奴烏桓諸部皆破之代人衛操與從子雄及同郡箕澹往依拓跋氏說猗也猗盧招納晉人猗也忱之任以國事晉人附者稍衆

七年秋九月拓跋猗也度漠北巡因西略諸國積五歲降附者三十餘國永興元年秋七月東嬴公騰乞師於拓跋猗也以擊劉淵猗也與弟猗盧合兵擊淵於西河破之與騰盟于汾東而還

二年夏六月漢王淵攻東嬴公騰騰復乞師於拓跋猗也衛操勸猗也助之猗也帥輕騎數千救騰斬漢將慕容豚詔假猗也大單于加操右將軍男申猗也卒子晉根代立

懷帝永嘉元年拓跋祿官立弟猗盧摠攝五部

四年冬十月劉琨之討劉虎白部也遣使卑辭厚禮說鮮卑拓跋猗盧以

請兵猗盧使其弟弗之子鬱律帥騎二萬助之遂破劉虎白部屠其營琨

與猗盧結為兄弟表猗盧為大單于以代郡封之為代公猗盧以封邑去

國懸遠民不相接乃帥部落萬餘家自雲中入鴈門徙琨求陁北之地琨

不能制且欲猗之為援乃徙樓煩馬邑陰館繁峙崞五縣民於陁南以其

地與猗盧由是猗盧益盛

五年劉琨遣子遵請兵於代公猗盧猗盧遣其子六脩將兵助琨戍新興

事見石勒寇河朔

六年漢靳冲等攻劉琨於晉陽猗盧遣兵救琨擊走之劉粲等復攻晉

陽拔之猗盧自將破粲等琨復入晉陽

晉帝建興元年代公猗盧城盛樂以為北都見西沿故平城為南都又作新平

城於灑水之陽使右賢王六脩鎮之統領南部

三年春二月詔進拓跋猗盧爵為代王置官屬食代常山二郡猗盧請

州從事鴈門莫含於劉琨琨遣之含不欲行琨曰以并州單弱吾之不材

而能自存於胡羯之間者代王之力也吾傾身竭貲以長子為質而奉之

者庶幾為朝廷雪大恥也若欲為忠臣奈何惜共事之小誠而忘徇國之

大節乎徃事代王為之腹心乃一州之所賴也含遂行猗盧甚重之常與

參大討猗盧用灑巖國人犯灑者或舉部就誅老幼相攜而行人問何之

曰徃就死無一人敢逃匿者

四年初代王猗盧愛其少子比延欲以為嗣使長子六脩出居新平城

而黜其母六脩有駿馬日行五百里猗盧奪之以與比延六脩來朝猗盧

使拜比延六脩不從猗盧乃坐比延於其步輦使人導從出遊六脩望見

以為猗盧伏謁路左至乃比延六脩慙怒而去猗盧召之不至大怒帥眾

討之為六脩所敗，猶盧微服逃民間，有賤婦人識之，遂為六脩所弑。拓跋普根先守外境，聞難來赴，攻六脩，滅之。普根代立國中，大亂，新舊猜嫌，迭相誅滅。左將軍衛雄信、戎將軍箕澹久佐倚盧，為眾所附，謀歸劉琨，乃言於眾曰：「聞舊人忌新人，悍戰欲盡殺之。將奈何？」晉人及烏桓皆驚懼曰：「死生隨二將軍，乃與琨質子，帥晉人及烏桓三萬家馬牛羊十萬頭歸于琨。」琨大喜，親詣平城撫納之。琨兵由是復振。夏四月，普根卒，其子始生、普根母惟氏立之。十二月，拓跋普根之子又卒，國人立其從父鬱律。

元帝大興元年夏六月，劉虎自朔方侵拓跋鬱律西部。秋七月，鬱律擊虎，大破之。虎走出塞，從弟路孤帥其部落降于鬱律。是鬱律西取烏孫故地，東兼勿吉，以西士馬精，雄於北方。

四年，拓跋猗危妻惟氏忌代王鬱律之彊，恐不利於其子，乃殺鬱律而立其子賀儔。大人死者數十人。鬱律之子什翼犍幼在襁褓，其母王氏匿於

袴中，祝之曰：「天苟存汝，則勿踵父之不跡，乃得免。」惟氏專制國政，遺

後趙後趙人謂之女國使。

明帝大寧二年，代王賀儔始親國政，以諸部多未服，乃築城於東木根山，徙居之。

三年十二月，代王賀儔卒，弟紇那立。

成帝咸和二年，代王鬱律之子翳槐居於其舅賀蘭部。紇那遣使求之，賀蘭大人諷頭擁護，不遣。紇那與宇文部共擊，諷頭不克。

四年，賀蘭部及諸大人共立拓跋翳槐為代王。代王紇那奔宇文部，翳槐遣其弟什翼犍質於趙，以請和。

咸康三年，趙將李穆納拓跋翳槐于大寧，其故部落多歸之。代王紇那奔燕國人，復奉翳槐為代王，翳槐城盛樂而居之。

四年代王翳槐之弟什翼犍質於趙，翳槐疾病命諸大人立之。翳槐卒，諸

大人梁蓋等以新有大故什翼捷在遠來未可必比其至恐有變亂謀更立君而翳槐次弟屈剛猛多詐不如弟孤仁厚之相與殺屈而立孤孤不可自請鄴迎什翼捷請身留為質趙土虎義而俱遣之十一月什翼捷即代王位於繁峙北改元曰建國分國之半以與孤初代王猗盧既卒國多內難部落離散拓跋氏寢衰及什翼捷立雄勇有智略能脩祖業國人附之始置百官分掌衆務以代人燕鳳為長史許謙為郎中令始制反逆殺人姦盜之瀆誅令明白政事清簡無繫訊連逮之煩百姓安之於是東白滅貊西及破落那南距陰山北盡沙漠率皆歸服有衆數十萬人

五年五月代王什翼捷會諸大人於參合陂議都灑源川其母王氏曰吾自先世以來以遷徙為業今國家多難若城郭而居一旦寇來無所避之乃止代人謂心國之民來附者皆為烏桓什翼捷分之為二部各置大人以監之弟孤監其北子寔君監其南什翼捷求婚於燕燕王黜以其妹

之

六年春三月代王什翼捷始都雲中之盛樂宮

七年秋九月代王什翼捷築盛樂城於故城南八里代王妃慕容氏卒

冬十月匈奴劉虎寇代西部代王什翼捷遣軍逆擊大破之虎卒子務相立遣使求和於代什翼捷以女妻之務相又朝貢於趙趙以務相為平北將軍左賢王

康帝建元元年代王什翼捷後求婚於燕燕王黜使納馬千匹為禮什翼捷不與又倨慢無子昏禮八月黜遣世子儁帥前軍師評等擊代什翼捷帥衆避去燕人無所見而還

二年春正月代王什翼捷遣其大人長孫秩迎婦於燕

穆帝永和十二年春正月匈奴大人劉務相卒弟闕頭立將貳於代二月代王什翼捷引兵西巡臨河關頭懼請降

升平二年冬十二月匈奴劉關頭部落多叛懼而東走乘冰度河半度而冰解後衆盡歸劉悉勿祈關頭斡之悉勿祈務相之子也

三年夏四月匈奴劉悉勿祈卒弟衛辰殺其子而代之

四年匈奴劉衛辰遣使降秦請田內地春來秋返秦王堅許之 夏四月

雲中護軍賀雍遣司馬徐贇帥騎襲之大獲而還堅怒曰朕方以恩信懷

夷秋而汝貪小利以敗之何也黜雍以白衣領職遣使還其所獲慰撫之

衛辰於是入居塞內貢獻相尋 六月代王什翼捷妃慕容氏卒秋七月

劉衛辰如代會葬因求婚什翼捷以女妻之

五年春正月劉衛辰掠秦邊民五十餘口為奴婢以獻於秦秦王堅責其

使歸所掠衛辰由是叛秦專附於代

哀帝興寧三年劉衛辰復叛代代王什翼捷東渡河擊走之

海西公太和元年代王什翼捷遣左長史燕鳳入貢于秦

二年冬十月代王什翼捷擊劉衛辰河冰未合什翼捷命以鞏緮約流漸

我而冰合然猶未堅乃散鞏於其上冰草相結有如浮梁代兵乘之以渡

衛辰不意兵猝至與宗族西走什翼捷收其部落什六七而還衛辰奔秦

秦王堅送衛辰還朔方遣兵戍之

簡文帝咸安元年春二月代將長孫斤謀弑代王什翼捷世子寔格之傷

脇遂執斤殺之 夏五月代世子寔娶東部大人賀野干之女有遺腹子

甲戌生男代王什翼捷為之赦境內名曰涉圭

帝寧康元年夏代王什翼捷使燕鳳入貢于秦

年代王什翼捷擊劉衛辰南走

太元元年冬十月劉衛辰為代所逼求救於秦秦王堅以幽州刺史行唐

公洛為北討大都督帥幽冀兵十萬擊代使并州刺史俱難鎮軍將軍鄧

羌尚書趙遷李柔前將軍朱彤前禁將軍張蚝石禁將軍郭慶帥步騎二

十萬東出和龍西出上邦。洛會以衛辰為鄉道。十一月代王什翼
捷使白部獨孤部南禦秦。吳勝又使南部大人劉庫仁將十萬騎禦
之庫仁者衛辰之族什翼捷之甥也與秦戰戰於石子嶺庫仁大敗什翼
捷病不能自將乃帥諸部奔陰山之北高車雜種盡叛四面寇鈔不得芻
牧什翼捷復度漠南聞秦兵稍退十二月什翼捷還雲中初什翼捷分國
之半以授弟瓜孤卒子斤失職怨望世子寔及弟翰早卒寔子珪尚幼慕
容妃之子闕婆壽鳩紕地十力真窟咄皆長繼嗣未定時秦兵尚在君
子津諸子每夜執兵警衛斤因說什翼捷之庶長子寔君曰王將立慕容
妃之子欲先殺汝故頃來諸子每夜戎服以共逃廬帳同使將發耳寔君
信之遂殺諸弟并弑什翼捷是夜諸子婦及部人奔告秦軍秦軍張虢
勒兵趨雲中部衆逃潰國中太亂珪母賀氏以珪走依賀訥訥野干之子
也秦王堅召代長史燕鳳問代所以亂故鳳具以狀對堅曰天下之惡一

也乃執寔君及斤至長安車裂之堅欲遷珪於長安鳳固請曰代王初
羣下叛散遺孫冲幼莫相統攝其別部大人劉庫仁勇而有智鐵弗衛辰
狡猾多變皆不可獨任宜分諸部為二令此兩人統之兩人素有深讎其
執莫敢先發俟其孫稍長引而立之是陛下有存亡繼絕之德於代使其
子子孫孫永為不侵不叛之臣此安邊之良策也堅從之分代民為二部
自河以東屬庫仁自河以西屬衛辰各拜官爵使統其衆賀氏以珪歸獨
孤部與南部大人長孫嵩元佗等皆依庫仁行唐公洛以什翼捷子窟咄
年長遷之長安劉庫仁招撫離散恩信其著奉事拓跋珪恩勤周備不以
廢興易意常謂諸子曰此兒有高天下之志必能恢隆祖業汝曹當謹遇
之秦王堅嘗在功加廣武將軍給幢麾鼓蓋劉衛辰臥在庫仁之下怒殺
秦五原太守而叛庫仁擊衛辰破之追至陰山西北千餘里獲其妻子又
西擊庫狄部徙其部落置之桑乾川久之堅以衛辰為西單于督攝河西

雜類屯代來城

九年冬十月燕太子太保慕輿句之子文零陵公慕輿慶之子常攻殺劉庫仁庫仁弟頭眷代領庫仁部衆

十年秋八月鮮卑劉頭眷擊破賀蘭部於善無又破柔然於意親山頭眷子羅辰言於頭眷曰比來行兵所向無敵然心腹之疾願早圖之頭眷曰誰也羅辰曰從兄顯忍人也必將為亂頭眷不聽顯庫仁之子也項之顯果殺頭眷自立又將殺拓跋珪顯弟亢湓妻珪之姑也以告珪毋賀氏顯謀王梁六眷代王什翼犍之甥也亦使其部人穆崇奚牧密告珪且以其愛妻駿馬付崇曰事泄當以此自明賀氏夜飲顯酒令醉使珪陰與舊臣長孫攄元他羅結輕騎亡去向晨賀氏故驚廐中羣馬使顯起視之賀氏哭曰吾子適在此今皆不見汝等誰殺之邪顯以故不急追珪遂奔賀蘭部休其舅賀訥訥驚喜曰復國之後當念老臣珪笑曰誠如舅言不敢忘

也顯疑梁六眷泄其謀將囚之穆崇宣言曰六眷不顧恩義助顯為逆我掠得其妻馬足以解忿顯乃捨之賀氏從弟外朝大人賀悅舉所部以奉珪顯怒將殺賀氏賀氏奔亢湓家匿神車中三日亢湓舉家為之請乃得免南部大人長孫嵩帥所部七百餘家叛顯將奔太原時拓跋寔君之子渥亦聚衆自立嵩欲歸之烏渥謂嵩曰逆父之子不足從也不如歸珪嵩從之久之劉顯所部有亂故中部大人庾和辰奉賀氏奔珪賀訥弟染干以珪得衆心忌之使其黨侯引七突殺珪代人尉古真知之以告珪侯引七突不敢發染干疑古真泄其謀執而訊之以兩車軸夾其頭傷一目不伏乃免之染干遂舉兵圍珪賀氏出謂染干曰汝等欲於何置我而役吾子乎染干慙而去冬十二月拓跋珪從曾祖紇羅與其弟建及諸部大人共請賀訥推珪為主

十一年春正月戊申拓跋珪大會於牛川即代王位改元登國以長孫嵩

為南部大人叔孫普洛為北部大人分治其衆以上谷張衮為左長史許謙為右司馬廣寧王建代人和跋叔孫建庾岳等為外朝大人奚牧為治民長皆掌宿衛及參軍國謀議長孫道生賀毗等侍從左右出納教命王建娶代王什翼犍之女岳和辰之弟道生嵩之從子也 二月代王珽徙居定襄之盛樂務農息民國人悅之 三月劉顯自善無南走馬邑其族人奴真帥所部降於代奴真有兄犍先居賀蘭部奴真言於代王珽請召犍而以所部讓之珽許之犍既領部遣弟去斤遺賀訥金馬賀染干謂去斤曰我待汝兄弟厚汝今領部宜來從我去斤許之奴真怒曰我祖父以來世為代忠臣故我以部讓汝等欲為義也今汝等無狀乃謀叛國義於何伍遂殺犍及去斤染干聞之引兵攻奴真奴真奔代珽遣使責染干染干乃止 夏四月代王珽初改稱魏王 魏王珽東如陵石護佛侯部帥侯辰乙佛部帥代題皆叛走諸將請追之珽曰侯辰等累世服役有罪且

當悉之方今國家草創人情未壹愚者固宜前却不足追也 秋七月己酉魏王珽還盛樂代題復以部落來降十餘日又奔劉顯珽使其孫倍斤代領其衆劉顯弟肺泥帥衆降魏 初秦滅代遷代王什翼犍少子窟咄于長安從慕容永東徙元以窟咄為新興太守劉顯遣其弟永溼迎窟咄以兵隨之逼魏南境諸部騷動魏王珽左右于相等與部人謀執珽以應窟咄幢將代人莫題等亦潛與窟咄交通相舅穆崇告之珽誅相等五人莫題等七姓悉原不問珽懼內難北踰陰山復依賀蘭部遣外朝大人遼東安同求救於燕燕主垂遣趙王麟救之 冬十月燕趙王麟軍未至魏拓拔窟咄稍前逼魏王珽賀染干侵魏北部以應之魏衆驚擾北部大人叔孫普洛亡奔劉衛辰麟聞之遽遣安同等歸魏人知燕軍在道衆心少安窟咄進屯高柳珽引兵與麟會擊之窟咄大敗奔劉衛辰衛辰殺之珽悉收其衆以代人庫狄干為北部大人麟引兵還中山劉衛辰居朔方士

馬甚盛後秦主長以衛辰為大將軍大單于河西王幽州牧西燕主永以衛辰為大將軍朔州牧 十二月燕主垂以魏王珪為西單于封上谷王珪不受

十二年劉顯地廣兵彊雄於北方會其兄弟乖爭魏長史張袞言於魏王珪曰顯志在并吞今不乘其內潰而取之必為後患然吾不能獨克請與燕共攻之珪從之復遣安同乞師於燕 秋七月劉衛辰獻馬於燕劉顯掠之燕主垂怒遣太原王補將兵助趙王麟擊顯大破之顯奔馬邑西山魏王珪引兵會麟擊顯於彌澤又破之顯奔西燕麟悉收其部衆獲馬牛羊以千萬數

十三年魏王珪破庫莫奚於弱落水南秋七月庫莫奚復襲魏營珪又破之庫莫奚者本屬宇文部與契丹同類而異種其先皆為燕王皝所破徙居松漠之間

十四年春正月甲寅魏王珪襲高車破之 二月癸巳魏王珪擊吐突陸部於女水大破之盡徙其部落而還

十五年夏四月丙寅魏王珪會燕趙王麟於意幸山擊賀蘭紇突隣紇奚三部破之紇突隣紇奚皆降於魏 秋七月劉衛辰遣子直力鞬攻賀蘭部賀訥困急請降於魏丙子魏王珪引兵救之直力鞬退珪徙訥部落處之東境

十六年冬十月劉衛辰遣子直力鞬帥衆八九萬攻魏南部十一月己卯魏王珪引兵五六千人拒之壬午大破直力鞬於鐵岐山南直力鞬單騎走乘勝追之戊子自五原金津南濟河徑入衛辰國衛辰部落駭亂辛卯珪直抵其所居悅跋城衛辰父子出走壬辰分遣諸將輕騎追之將軍伊謂禽直力鞬於木根山衛辰為其部下所殺十二月珪軍于鹽池誅衛辰宗黨五千餘人皆投尸于河自河以南諸部悉降獲馬三十餘萬匹牛羊

四百餘萬頭國用由是遂饒衛辰小子勃勃亡薛于部珽使人求之薛于部帥太悉伏出勃勃以示使者曰勃勃國破家亡以窮歸我我寧與之俱亡何忍執以與魏乃送勃勃於沒弈干沒弈干以女妻之

十八年秋七月魏王珽以薛于太悉伏不送劄勃勃八月襲其城屠之太悉伏奔秦

二十一年秋七月魏羣臣勸魏王珽稱尊號珽始建太子旌旗出警蹕改元皇始

安帝隆安二年夏六月丙子魏王珽命羣臣議國號皆曰周秦以前皆自諸侯升為天子因其國為天號漢氏以來皆無尺土之資我國家百世相承開基代北遂撫有方夏今宜以代為號黃門侍郎崔宏曰昔商人

不常厥居故兩稱殷商代雖舊邦其命惟新登國之初己更曰魏夫魏者

大名神州之上國也宜稱魏如故珽從之 秋七月魏王珽遷都平城始

營宮室建宗廟立社稷宗廟歲五祭用分至及臘 魏王珽命有司立

畿標道里平權衡審度量遣使循行郡國舉奏守宰不法者親考察黜陟之 冬十一月辛亥魏王珽命尚書吏部郎登淵立官制協音律儀曹郎

清河董謐制禮儀三公郎王德定律令八史令高崇考天象吏部尚書崔宏摠而裁之以為永式淵羌之孫也 十二月己丑魏王珽即皇帝位大

赦改元天興命朝野皆束髮加帽追尊遠祖毛以下二十七人皆為皇帝謚六世祖力微曰神元皇帝廟號始祖祖什翼犍曰昭成皇帝廟號高祖

父寔曰獻明皇帝魏之舊俗孟夏祀天及東廟季夏帥衆却霜於陰山孟秋祀天於西郊至是始依倣古制定郊廟朝饗禮樂然惟孟夏祀天親行

其餘多有司攝事又用崔宏議自謂黃帝之後以土德王徙六州二十二郡守宰豪傑二千家于代都東至代郡西及善無南極陰館北盡參合皆

為畿內其外四方四維置八部帥以監之

魏伐後燕

晉武帝太元十三年魏王珪密有圖燕之志遣太原公儀奉使至中山燕主垂詰之曰魏王何以不自來儀曰先王與燕並事晉室世為兄弟臣今奉使於理未失垂曰吾今威加四海豈得以昔日為比儀曰燕若不脩德禮欲以兵威自擅此乃將帥之事非使臣所知也儀還言於珪曰燕主哀老太子闇弱范陽王自負材氣非少主臣也燕主既沒內難必作於時乃可圖也今則未可珪善之儀珪弟翰之子也

十六年春正月賀染干謀殺其兄訥訥知之舉兵相攻魏王珪告于燕請為鄉導以討之二月甲戌燕主垂遣趙王麟將兵擊訥夏六月甲辰燕趙王麟破賀訥於赤城禽之降其部落數萬燕主垂命麟歸訥部落徙染干於中山麟歸言於垂曰臣觀拓跋珪舉動終為國患不若攝之還朝使其弟監國事垂不從秋七月魏王珪遣其弟觚獻見於燕燕主垂衰老

子弟用事留觚以求良馬魏王珪弗與遂與燕絕使長史張袞來好於西燕觚逃歸燕太子寶追獲之垂待之如初

二十年魏王珪叛燕侵逼附塞諸部夏五月甲戌燕主垂遣太子寶遼西王農趙王麟帥衆八萬向平原伐魏范陽王德陳留王緝別將步騎萬六千為後繼散騎常侍高湖諫曰魏與燕世為昏姻彼有內難燕實存之其施德厚矣結好久矣間以求馬不獲而留其弟由在於我奈何遽興兵擊之拓跋珪珪沈勇有謀幼歷艱難兵精馬彊未易輕也皇太子富於春秋志果氣銳今委之專征必小魏而易之萬一不如所欲傷威毀重願陛下深圖之言頗激切垂怒免湖官湖秦之子也秋七月魏張袞聞燕軍

將至言於魏王珪曰燕徂於滑臺長子之捷竭國之資力以來有輕我之心宜羸形以驕之乃可克也珪從之悉徙部落畜產西渡河千餘里以避之燕軍至五原降魏別部二萬餘家收稼田百餘萬斛置黑城進軍臨河

造船為濟具瑋遣右司馬許謙乞師於秦 八月魏王珪治兵河南九月
 進軍臨河燕太子寶列兵將濟暴風起漂其船數十艘泊南岸魏獲其甲
 士三百餘人皆釋而遣之寶之發中山也燕主垂已有疾既至五原珪使
 人邀中山之路伺其使者盡執之寶等數月不聞垂起居珪使所執使者
 臨河告之曰若父已死何不早歸寶等喜悉士卒駭動珪使陳留公處將
 五萬騎屯河東東平公儀將十萬騎屯河北略陽公遵將七萬騎塞燕軍
 之南邊壽鳩之子也秦王與遣楊佛嵩將兵救魏燕術士靳安言於太子
 寶曰天時不利燕必大敗速去可免寶不聽安退告人曰吾輩皆當棄尸
 草野不得歸矣燕魏相持積旬趙王麟將慕輿嵩等以垂為寶死謀作亂
 奉麟為主事泄嵩等皆死寶麟等內自疑冬十月辛未燒船夜遁時河冰
 未結寶以魏兵必不能度不設斥候十一月己卯暴風冰合魏王珪引兵
 濟河留輜重選精銳二萬餘騎急追之燕軍至參合陂有大風黑氣如堤

後來臨覆軍上沙門史曇猛言於寶曰風氣暴迅魏兵將至之候宜
 兵禦之寶以去魏軍已遠笑而不應 曇猛固請不已麟怒曰以殿下神
 師徒之盛足以橫行沙漠何敢 遂來而曇猛妄言驚衆當斬以徇
 曇猛泣曰符氏以百萬之師敗於淮南 止由情衆輕敵不信天道故也司
 徒德勸寶從曇猛言寶乃遣麟帥騎三萬若軍後以備非常麟以曇猛為
 女縱騎遊獵不肯設備寶遣騎還詗魏 騎行十餘里即解鞍寢魏軍晨
 夜兼行乙酉暮至參合陂西燕軍在陂 東營於蟠羊山南水上魏王珪夜
 部分諸將掩覆燕軍士卒銜枚束馬口 潛進丙戌日出魏軍登山下臨燕
 營燕軍將東引顧見之士卒大驚擾亂 珪縱兵擊之燕兵走赴水人馬相
 騰躡壓溺死者以萬數略陽公遵以兵 邀擊其前燕兵四五萬人一時放
 仗斂手就禽其遺迸去者不過數千人 太子寶等皆單騎僅免殺燕右僕
 射陳留悼王紹生禽魯陽王倭奴桂林 王道成濟陰公尹國等文武將吏

數千人兵甲糧貨以鉅萬計道成垂之... 魏王珪擇燕臣之有才有代郡太守廣川賈閏閏從弟驃騎長史昌黎太守彝太史郎遼東晁崇等留之其餘欲悉給衣糧遣還以招懷中州之人中部大人王建曰燕衆彊盛今傾國而來我幸而大捷不如悉殺之則其國空虛取之為易且獲寇而縱之無乃不可乎乃盡阮之十二月珪還雲中之盛樂燕太子寶肥於參合之敗請更擊魏司徒德言於燕主垂曰虜以參合之捷有輕太子之心宜及陛下神略以服之不然將為後患垂乃以清河公會錄留臺事領幽州刺史代高陽王隆鎮龍城以陽城王蘭汗為北中郎將代長樂公盛鎮剡命隆盛悉引其精兵還中山期以明年大舉擊魏

二十一年春正月燕高陽王隆引龍城之甲入中山軍容精整燕人之氣... 三月庚子燕王垂留范陽王德守中山引兵密發踰青嶺經天... 黎山通道出魏不意直指雲中魏陳留公虔帥部落三萬餘家鎮十

獵命以遼西王農高陽王隆為前鋒以襲之是時燕兵新敗皆畏... 龍城兵勇銳爭先虜素不設備閏月... 燕軍至平城虜乃覺之帥麾... 出戰敗死燕軍盡收其部落魏王珪... 怖欲走諸部聞虜死皆有貳心... 不知所適垂之過參合陂也見積骸... 如山為之設祭軍士皆慟哭聲震... 山谷垂慚嘔血由是發疾乘馬輿而... 進頓平城西北三十里太子寶等... 聞之皆引還燕軍叛者誣告於魏云... 垂已死輿乃在軍魏王珪欲追之聞... 平城已沒乃引還陰山垂在平城積... 十日疾轉篤乃築燕昌城而還夏四... 月癸未卒於上谷之沮陽秘不發喪... 丙申至中山戊戌發喪謚曰成武皇... 帝廟號世祖壬寅太子寶即位大赦... 改元永康五月辛亥以范陽王德為... 都督冀兗青徐荆豫六州諸軍事車... 騎大將軍冀州牧鎮鄴遼西王農為... 都督并雍益梁秦涼六州諸軍事并... 州牧鎮晉陽又以安定王庫儼官偉... 為太師夫餘王蔚為太傅甲寅以趙... 王麟領尚書左僕射高陽王隆領右

漢射長樂公盛為司隸校尉宜都王鳳為冀州刺史 初燕王垂先段后

生子令寶後段后生子朗鑒愛諸姬子麟農隆柔廉寶初為太子有美稱

已而荒怠中外失望後段后嘗言於垂曰太子遭承平之世足為守成之

主今國步艱難恐非濟世之才遼西高陽二王陛下之賢子宜擇一人付

以大秦趙王麟姦詐彊懷異日必為國家之患宜早圖之寶善事垂左右

左右多譽之故垂以為賢謂段氏曰汝欲使我為晉獻公乎段氏泣而退

告其妹范陽王妃曰太子不才天下所知吾為社稷言之主上乃以吾為

嬖姬何其苦哉觀太子必喪社稷范陽土有非常器度若燕祚未盡其在

乎寶及麟聞而恨之乙丑寶使麟謂段氏曰后常謂主上不能守大業

今竟能不宜早自裁以全段宗段氏怒曰汝兄弟不難逼殺其母况能守

大業乎吾豈愛死但念國亡不久耳遂自殺寶議以段后謀廢嫡統無母

之道不宜成喪羣臣咸以為然中書令眭邃颺言於朝曰子無廢母之

義安思閔后親廢順帝猶得配饗大廟以先后曖昧之言虛實未可

乎乃成喪 夏六月癸酉魏王珪遣將軍二建等擊燕廣寧太守劉亢泥

斬之徙其部落於平城燕上谷太守開封公詳棄郡走詳鮑之曾孫也

燕主寶定士族舊籍分辨清濁校閱戶口以營封蔭之戶悉屬郡縣由是

士民嗟怨始有離心 上谷張恂勸珪進取中原珪善之燕遼西王農悉

將部曲數萬口之并州并州素乏儲徙是歲早霜民不得供其食又遣諸

部護軍分監諸胡也是民夷俱怨潛不魏軍八月己亥魏王珪大舉伐燕

步騎四十餘萬南出馬邑踰句注旌旗二千餘里鼓行而進左將軍鴈門

李栗將五萬騎為前驅別遣將軍封真等從東道出軍都龍燕幽州 燕

征北大將軍幽平二州牧清河公會毋賤而平長維俊有器藝燕主垂愛

之寶之伐魏也垂命會攝東宮事摠錄禮遇一如太子及垂伐魏命會鎮

龍城委以東北之任國官府佐皆選一時才望垂疾篤遺言命寶以會為

嗣而寶愛少子濮陽公策意不在會長樂公盛與會同年恥為之下乃與
趙王麟共勸寶立策寶從之乙亥立妃段氏為皇后寶為皇太子會盛皆
進爵為王策年十一素養弱會聞之心愠懣九月章武王宙奉燕主垂及
成哀段后之喪葬于龍城宣平陵寶詔宙悉徙高陽王隆參佐部曲家屬
還中山會還詔多留部曲不遣宙年長屬會每事陵侮之見者皆知其
有異志 戊午魏軍至陽曲乘西山臨晉陽遣騎環城大譟而去燕遼西
王農出戰大敗奔還晉陽司馬慕輿嵩閉門拒之農將妻子帥數千騎東
走魏中領將軍長孫肥追之及於潞川獲農妻子燕軍盡沒農被創獨與
三騎逃歸中山魏王珪遂取并州初建寧省置刺史太守尚書即以下官
悉用儒生為之士大夫訕軍門者無少長皆引入存慰使人人盡言少有
不用咸加擢叙己未遣輔國將軍奚悅略地汾川獲燕丹楊王買得及離
石護軍周秀和以中書侍郎張恂等為諸郡太守招撫離散勸課農桑燕

主寶聞魏軍將至議於東堂中山尹符謨曰今魏軍衆彊千里遠闕乘
氣銳若縱之使入平土不可敵也宜杜險以拒之中書令珪遂曰魏多
兵往來剽速馬上齎糧不過旬日宜令都縣聚民千家為一堡深溝高壘
清野以待之彼至無所掠不過六旬食盡自退尚書判訖曰今魏兵數十
萬天下之勅敵也民雖築堡不足以自固是聚兵及糧以資之也且動搖
民心示之以弱不如阻關拒戰計之上也趙王麟曰魏今乘勝氣銳其鋒
不可當宜完守中山待其弊而乘之於是修城積粟為持久之備命遼西
王農出屯安喜軍事動靜悉以委麟 冬十月魏王珪使冠軍將軍代人
于栗磾寧朔將軍公孫蘭帥步騎二萬潛自晉陽開韓信故道已酉珪自
井陘趨中山李先降珪珪以為征東左長史 魏王珪進攻常山拔之徙
太守荀延自常山以東守寧或走或降諸郡縣皆附於魏惟中山鄴信都
三城為燕守十一月珪命東平公儂將三萬騎攻鄴冠軍將軍王建左將

軍李栗攻信都戊午珪進軍中山己未次之燕高陽王隆守南郭帥衆力戰自旦至晡殺傷數千人魏兵乃退珪謂諸將曰中山城固寶必不肯出戰急攻則傷士久圍則費糧不知先取鄴信都然後圖之丁卯珪引兵而南章武王宙自龍城還聞有魏寇馳入薊道鎮北將軍陽城王蘭乘城固守蘭垂之從弟也魏別將石河頭攻之不克退屯漁陽珪軍于魯口博陵太守申承奔河南高陽太守崔宏奔海渚珪素聞宏名遣吏追求獲之以為黃門侍郎與給事黃門侍郎張袞對掌機要創立制度博陵令屈遵降魏珪以為中書令出納號令兼摠文誥燕范陽王德使南安王青等夜擊魏軍於鄴下破之魏軍退屯新城青等請追擊之別駕韓諱曰古人先計而後戰魏軍不可擊者四懸軍遠客利在野戰一也深入近畿頓兵死地二也前鋒既敗後陣方固三也彼衆我寡四也官軍不宜動者三自戰其地一也動而不勝衆心難固二也城陞未修敵來無備三也今魏無省銀

不如深壘固軍以老之德從之

青還青詳之兄也

魏遼西公

賴盧帥騎二萬會東平公儀攻鄴賴盧訥之弟也魏別部大人沒根有勇魏王珪惡之沒根懼誅已丑將親兵數十人降燕主寶以為鎮東大將軍封鴈門公沒根求還冀州寶難與重兵給百餘騎沒根効其號令夜入魏營至中仗珪乃覺之狼狽驚走沒根以所從人少不能壞其大衆多獲首虜而還

安帝隆安元年春正月燕范陽王德求救於秦秦兵不出鄴中恟懼賀賴盧自以魏王珪之舅不受東平公儀節度由是與儀有隙儀司馬丁建陰與德通從而構間之射書入城中言其狀甲辰風霾晝晦賴盧營有火建言於儀曰賴盧燒營為變矣儀以為然引兵還賴盧聞之亦退建帥其衆詣德降且言儀師老可擊德遣桂陽王鎮南安王青帥騎七千追擊魏軍大破之燕主寶使左衛將軍黃冉騰攻博陵殺魏所置守宰王建等攻信

都六十餘日不下士卒多死庾申魏王珪自攻信都壬戌夜燕宜都王鳳
瑜城犇中山癸亥信都降魏 燕主寶聞魏王珪攻信都出屯深澤遣趙
王麟攻楊城殺守兵三百寶乘出珍寶及宮人募郡縣羣盜以擊魏二月
巳巳朔珪還屯楊城沒根兄子醜提為并州監軍聞其叔父降燕懼誅帥
所部兵還國作亂珪欲北還遣其國相涉延求和於燕且請以其弟為質
寶聞魏有內難不許使元從僕蘭真 責珪負恩悉發其衆步卒二十萬
騎三萬七千屯於曲陽之柏肆營於滹沱水北以邀之丁丑魏軍至營於
水南寶潛師夜濟募勇敢萬餘人襲魏營寶陳於營北以為之援募兵因
風縱火急擊魏軍魏軍大亂珪驚起棄營逃走燕將軍乞特真帥百餘人
至其帳下得珪衣韉既而募兵無故自驚互相斫射珪於營外望見之乃
擊鼓收衆左右及中軍將士稍稍來集多布火炬於營外縱騎衝之募兵
大敗還赴寶陳寶引兵復渡水北戊寅魏整衆而至與燕相持燕軍奪氣

寶引還中山魏兵隨而擊之燕兵屢敗寶懼棄大軍帥騎二萬奔還時
風雪凍死者相枕寶恐為魏軍所及命士卒皆裹袍仗兵器數十萬寸刃
不返燕之朝臣將卒降魏及為魏所係虜者甚衆先是張袞常為魏王珪
言燕祕書監崔暹之材珪得之甚喜以暹為尚書使錄三十六曹任以政
事 巳卯夜燕尚書即慕輿謀弑燕主寶立趙王麟不克斬關出奔魏
麟由是不自安 初燕清河王會聞魏軍東下表求赴難燕主寶許之會
初無去意使征南將軍庫儁官偉建威將軍餘崇將兵五千為前鋒崇嵩
之子也儁等頓盧龍近白日無食噉馬牛且盡會不發寶怒累詔切責會
不得巳以治行簡練為名復經月餘時道路不通儁欲使輕軍前行通道
偵魏疆弱其張聲執諸將皆思避不欲行餘崇奮曰今巨寇滔天京都危
逼匹夫猶思致命以救君父諸君荷國寵任而更惜生乎若社稷傾覆臣
節不立死有餘辱諸君安居於此崇請當之儁喜簡給步騎數百人崇進

至漁陽遇魏千餘騎崇謂其曰彼衆我寡不擊則不得免乃鼓譟直進
崇手殺十餘人魏騎潰去崇引還斬首獲生具言敵中闊狹衆心稍振
會乃上道徐進是月始達薊魏圍中山既久城中將士皆思出戰征北
大將軍隆言於寶曰步珪雖屢獲小利然頓兵經年凶執沮屈士馬死傷
大半人心思歸諸部離解正旦可破之時也加之舉城思奮若因我之銳
乘彼之衰往無不克如其持重不決將卒氣喪日益困逼事又變生後雖
欲用之不可得也寶然之而待大將軍麟每沮其議隆成列而罷者前後
數四寶使人請於魏王珪欲還其弟觚割常山以西皆與魏以求和珪許
之既而寶悔之已酉珪如盧奴辛亥復圍中山燕將士數千人俱自請於
寶曰今坐守窮城終於困弊臣等願得一出樂戰而陛下每抑之此為坐
自推敗也且受圍歷時無他奇變徒望積久寇賊自退今內外之執強弱
懸絕彼必不自退明矣宜從之 必寶許之隆退而勸其召諸參佐謂之

曰皇威不振寇賊內侮臣子同恥義不願生今幸而破圍固善若此
不幸亦使吾志節獲展卿等有北見吾母共為吾道此情也乃被甲上馬
詣門俟命麟復固止寶衆大忿恨隆涕泣而還是夜麟以兵劫左衛將軍
北地王精使帥禁兵弑寶精以義拒之麟怒殺精出奔西山依丁零餘衆
於是城中人情震駭寶不知麟所之以清河王會軍在近恐麟奪會軍先
據龍城乃召隆及驃騎大將軍農謀去中山走保龍城隆曰先帝櫛風沐
雨以成中興之業崩未暮年而天下大壞豈得不謂之孤負邪今外寇方
盛而內難復起骨肉乖離百姓疑懼誠不可以拒敵北遷舊都亦事之宜
然龍川地狹民貧若以中國之意取足其中復朝夕望有大功此必不可
若節用愛民務農訓兵數年之中公私充實而趙魏之間厭苦寇暴民思
燕德庶幾返旆克復故秦如其未能則憑險自固猶足以優遊養銳耳寶
曰卿言盡理朕一從卿意耳遼東高撫善下策素為隆所信厚私謂隆曰

殿下北行終不能遠太妃亦不可得見若使主上獨往殿下潛留於此必
有大功隆曰國有大難主上蒙塵且老母在北吾得北首而死猶無所恨
卿是何言也乃遍召僚佐問其去留唯司馬魯恭參軍成岌願從餘皆欲
留隆並聽之農部將谷會歸說農曰城中之人皆涉珪參合所殺者父兄
子弟泣血踊躍欲與魏戰而為衛軍所押今聞主上當此遷皆曰得慕容
氏一人奉而立之以與魏戰死無所恨大王幸而留此以副衆望擊退魏
軍撫寧畿甸奉迎大駕亦不失為忠臣也農欲殺歸而惜其材力謂之曰
必如此以望生不如就死壬子夜寶與太子策遼西王農高陽王隆長樂
王盛等萬餘騎出赴會軍河間王熙勃海王朗博陵王鑿皆幼不能出城
隆還入迎之自為鞍乘俱得免燕將王沈等降魏樂浪王惠中書侍郎韓
範負外郎段宏太史令劇起等師工伎三百奔鄴中山城中無主百姓惶
惑東門不開魏王珪欲夜入城冠軍將軍王建志在虜掠乃言恐士卒盜

府庫物請俟明日理乃止燕開封公詳從寶不及城中立以為上閉門拒
守珪盡衆攻之連日不拔使人登巢車臨城諭之曰慕容寶已棄汝走汝
曹百姓空自取死欲誰為乎皆曰羣小無知恐復如參合之衆故苟延旬
月之命耳珪顧王建而唾其面使中領將軍長孫肥左將軍李東將三千
騎追寶至范陽不及破其新城戍而還燕主寶出中山與趙王麟遇于
所城麟不意寶至驚駭帥其衆奔蒲陰復出屯望都士人頗供給之慕容
詳遣兵掩擊之獲其妻子麟脫走入山甲寅寶至薊殿中親近散亡略盡
惟高陽王隆所領數百騎為宿衛清河王會帥騎卒二萬迎于剡南寶怪
會容止怏怏有懼色密告隆及遼西王農農隆俱曰會年少專任方面習
驕所致豈有它也臣等當以禮責之寶雖從之然猶詔鮮會兵以屬隆隆
固辭乃減會兵分給農隆又遣西河公庫儁官驥帥兵三千助守中山丙
辰寶盡徙薊中府庫北趣龍城魏石河頭引兵追之戊午及寶於夏

寶不欲戰清河王會曰臣撫教士卒惟敵是求今大駕蒙塵人思效命而
虞敢自送衆心忿憤兵法曰歸師勿遏又曰置之死地而後生今我皆得
之何患不克若其捨去賊必乘人或生餘孽寶乃從之會整陳與魏兵戰
農隆等將南來騎衝之魏兵大敗追奔百餘里斬首數千級隆又獨追數
十里而還謂故吏留臺治書陽瓊曰中山城中積兵數萬不得展吾意今
日之捷令人遺恨因慷慨流涕會既敗魏兵矜很滋甚隆屢訓責之會益
忿恚會以農隆皆嘗鎮龍城爲尊位重名望素出已右恐至龍城權政不
復在已又知終無爲嗣之望乃謀作亂幽平之兵皆懷會恩不樂屬二王
請於寶曰清河王勇略高世臣等與之誓同生死願陛下與皇太子諸王
留劔宮臣等從王南解京師之圍還迎大駕寶左右皆惡會言於寶曰清
河王不得爲太子神色甚不平且其才武過人善收人心陛下若從衆請
臣恐解圍之後必有衝軛之事實乃謂衆曰理通年少才不及二王豈可

專征之任且朕方自統八師扶會以爲羽翼何可離左右也衆不悅
遂左右勸寶殺會侍御史仇尼歸聞之告會曰大王所恃者父父已異圖
所扶者兵兵已去手欲於何所自容乎不如誅二王廢太子大王自處東
宮兼將相之任以臣復社稷此上策也會猶豫未許寶謂農隆曰觀道通
志趣必反無疑宜早除之農隆曰今寇敵內侮中土紛紜社稷之危有如
累卵會鎮撫舊都遠赴國難其威名之重足以震動四鄰逆狀未彰而遽
殺之豈徒傷父子之恩亦恐大損威望寶曰會逆志已成卿等慈恕不忍
早殺恐一日爲變必先害諸父然後及吾至時勿悔自負也會聞之益懼
夏四月癸酉寶宿廣都黃榆谷會遣其黨仇尼歸吳提梁千帥壯士二十
餘人分道襲農隆殺降於帳下農被重創執仇尼歸逃入山中會以仇尼
歸被執事終顯發乃夜詣寶曰農隆謀逆臣已除之寶欲討會陽爲好言
以安之曰吾素疑二王久矣除之其善甲戌旦會立仗嚴備乃引道會欲

棄隆喪餘崇涕泣固請乃輒隨軍農出自歸寶命之曰何以自負邪命
執之行十餘里寶顧召羣臣入直議農罪會就坐寶言衛軍將軍慕與騰
使斬會傷其首不能殺會走赴其軍勒兵攻寶寶帥數百騎馳二百里
時至龍城會遣騎追至石城不及乙亥會遣仇尼歸攻龍城寶夜遣兵襲
擊破之會遣使請誅左右佞臣并求為太子寶不許會蓋收乘輿器服以
後宮分給將帥署置百官自稱皇太子錄尚書事引兵向龍城以討慕與
騰為名丙子頓兵城下寶臨西門會乘馬逆與寶語寶責讓之會命軍士
向寶大譟以耀威城中將士皆憤怒向暮出戰大破之會兵死傷大半走
還營侍御郎高雲夜帥敢死士百餘人襲會會衆皆頃會將十餘騎奔
中山開封公詳殺之寶殺會母及其三子丁丑寶大赦凡與會同謀者皆
除罪復舊職論功行賞拜將軍封侯者數百人魏王珪以軍食不給命
軍中士去難徙屯鉅鹿偵拒城募寇詳出步卒六千人伺開懸魏王

屯珪擊破之斬首五千生擒七百人皆縱之五月燕虜傳官驛入中山
與開府公詳相攻詳殺驛盡滅虜僭官氏又殺中山尹苻謨夷其族中山
城無定主民恐魏兵乘之男女結盟人自為戰甲辰魏王珪罷中山之圍
就穀河開督諸郡義租甲寅以東平公儀為驃騎大將軍都督中外諸軍
事充豫雍荆徐揚六州牧左丞相封衛王慕容詳自謂能却魏兵威德已
振乃即皇帝位改元建始置百官以新平公可足渾潭詳嗜酒奢淫不恤
書令殺拓跋觚以固衆心鄴中官屬勸范陽王德稱尊號會有自龍城來
者知燕主寶猶存乃止秋七月慕容詳殺可足渾潭詳嗜酒奢淫不恤民
士民刑殺無度所誅王公以下五百餘人羣下離心城中饑窘詳不聽民
出承稻死者相枕舉城各謀迎趙王麟詳遣輔國將軍張驥帥五千餘人
督租於常山麟自丁零入驍軍潛襲中山城門不開執詳斬之麟遂稱尊
號聽人四出承稻人既飽求與魏戰麟不從稍復窟屨魏王珪軍魯口遣

長孫肥帥騎七千襲中山入其郭麟追至派水為魏所敗而還八月丙寅
朔魏王珪徙軍常山之九門軍中大疫人畜多死將士皆思歸珪問疫於
諸將對曰在者纔什四五珪曰此固天命將若之何四海之民皆可為國
在吾所以御之耳何患無民羣臣乃不敢言遣撫軍大將軍略陽公遵襲
中山入其郭而還 中山饑甚慕容麟帥二萬餘人出據新市九月甲子
晦魏王珪進軍攻之太史令曩崇曰不吉昔紂以甲子亡謂之疾日兵家
忌之珪曰紂以甲子亡周武不以甲子興乎崇無以對冬十月丙寅麟退
阻派水甲戌珪與麟戰於義臺大破之斬首九十餘級麟與數十騎馳取
妻子入西山遂奔 鄴甲申魏克中山燕公卿尚書將吏士卒降者二萬餘
人燕人有自中山 至龍城者言拓跋珪衰弱司徒德宗守鄴城會德表
至勸燕主寶南 十二月寶遣將軍放崙視形勢乙亥慕容麟至鄴說范
陽王德宗魏主 中山將乘勝攻鄴鄴中雖有蓄積城大難日且人心

所懼不可守也 不如南 嶺滑臺時齊陽王和鎮滑臺亦遣使迎德

二年春正月范陽王德自鄴徙滑臺魏衛王儀入鄴追德至河弗及趙王
麟上尊號於德德稱燕王以統府行帝制置百官以趙王麟為司空領尚
書令 燕啟倫還至龍城言中山已陷燕主寶命罷兵遼西王農言於寶
曰今遷都尚新未可南征宜因 寶及其取其牛馬以充軍資更審
虛實俟明年而議之寶從之 乙未北行 申渡流洛水會南燕王德遣侍
郎李延詣寶言涉珪西上中國空虛延 寶及之寶大喜即日引還 燕
主寶還龍城宮詔諸軍就頓不聽罷散 武將士皆以家屬隨駕遼西王
農長樂王盛切諫以為兵疲力弱魏新 志未可與敵宜且養兵觀釁寶
將從之撫軍將軍慕輿騰曰百姓可與 成難與圖始今師衆已集宜獨
決聖心乘機進取不宜廣采兵同以沮 計寶乃曰吾計決矣敢諫者斬
二月乙亥寶出就頓留盛統後事已 軍發龍城慕輿騰為前軍司空

農為中軍實為後軍相去各一頓連營百里壬午寶至乙建長上段速骨
宋赤眉等因衆心之憚征役遂作亂速骨等皆高陽王隆舊隊共逼立隆
子高陽王崇為王殺樂浪成王宙中坐熙素與崇善崇雍佑之故獨得免燕三寶
左右拘其耆止之曰宜小清濟不可復出信追慕與騰葵未寶農引兵還趣大營
仗未騰營亦潰寶農奔還龍城長樂王成燕尚書頓兵王蘭汗陰與段速骨等通
兵至少長樂王盛徒內近城之民得丁夫萬餘乘城以禦之速骨等同謀
纔百餘人餘皆為所驅魯真有關志三月甲午速骨等將攻城遼西柏烈
王農恐不能守且為蘭汗所誘夜潛出外之冀以自全明且速骨等攻城
城上拒戰甚力速骨之衆死者以百數速骨乃將農循城農素有忠節威

名城中之衆恃以為得忽見行城下無不
縱兵殺掠死者復籍寶盛與燕騰餘崇
骨幽農於殿內長上阿文羅速骨之謀主
崇親信驟讓出力捷等聞之丁酉殺羅及
左衛將軍宇文拔云奔遼西庚子蘭汗襲
太子策承制大赦遣使迎寶及於薊城寶
詐未可知今單騎赴之萬一汗有異志悔
以取冀州若其不捷收南方之衆徐歸龍
燕主寶過鄴鄴人請留寶不許南至黎陽
北地王鍾曰上以二月得丞相表即時南
此王亟白丞相奉迎鍾德之從弟也首勸
以狀白南燕主德德謂羣下曰卿等以社
穰大計勸吾攝政吾亦以嗣帝
驕悍張氣遂皆逃潰速骨入城
張育李早趙恩等輕騎南走速
也以高陽王崇幼弱更欲立農
農速骨即為之誅讓等農故吏
擊速骨并其黨盡殺之廢崇奉
欲還長樂王盛等皆曰汗之忠
之無及不如南就沈陽王合衆
都亦未晚也寶從之夏四月
伏於河西遣中黃門令趙思告
征至乙連會長上作亂失據來
德稱尊號聞而惡之執思付獄

播越民祈之王故權順羣議以繫衆心今天方悔禍嗣帝得還吾將具法
駕奉迎謝罪行闕何如黃門侍郎張華曰今天下大亂非雄才無以寧濟
羣生嗣帝闇懦不能紹隆先統陛下若臨匹夫之節捨天授之榮威權一
去身首不保況社稷其得血食乎慕輿護曰嗣帝不達時宜委棄國都自
取敗言不堪多難亦已明矣昔蒯瞶出逐衛辄不納春秋是之以子拒父
猶可況以父拒子乎今趙思之言不明虛實臣請為陛下馳往調之德流
涕遣之護帥壯士數百人隨思而北聲言迎衛其實圖之寶既遣思詣鍾
於後得樵者言德已稱制懼而北走護至無所見執思以還德以思練習
典故欲留而用之思曰犬馬猶知戀主思雖刑臣乞還就上德固留之思
怒曰周室東遷晉鄭是依殿下親則叔父位為上公不能帥先羣后以匡
帝室而幸本根之傾為趙王倫之事思雖不能如申包胥之存楚猶慕龔
君勝不偷生於莽世也德斬之寶遺骸於墓與騰與衣樂王然步其

冀州盛以肅素暴橫為民所怨乃殺之行至鉅鹿長樂說諸豪傑皆願起
兵奉寶寶以蘭汗祀燕宗廟所為似順意欲還龍城不肯留冀州乃北行
至建安抵民張曹家曹素武健請為寶合衆盛亦勸寶宜且駐留察汗情
狀寶乃遣元從僕射李早先往見汗寶留頓石城會汗遣左將軍蘇超奉
迎陳汗忠款寶以汗燕主垂之舅盛之妃父也謂必無它不待早返遂行
盛流涕固諫寶不聽留盛在後盛與將軍浪真下道避匿丁亥寶至索莫
汗陘去龍城四十里城中皆喜汗惶怖欲自出請罪兄弟共諫止之汗乃
遣弟加難帥五百騎出迎又遣兄堤閉門止仗禁人出入城中皆知其將
為變而無如之何加難見寶於陘北拜謁已從寶俱進賴陰烈公餘崇密
言於寶曰觀加難形色禍變甚逼宜留三思奈何徑前寶不從行數里加
難先執崇崇大呼罵曰汝家幸緣肺附蒙國寵榮覆宗不足以報今乃敢
謀篡逆此天地所不容計旦暮即屠滅但恨我不得手膾汝曹耳加難殺

之引寶入龍城外邸弒之汗謚寶曰靈帝殺獻哀太子策及王公卿士百餘人自稱大都督大將軍大單于昌黎王改元青龍以堤為太尉加難為車騎將軍封河間王廙為遼東公如祀宋故事長樂王盛聞之馳欲赴哀張真止之盛曰我今以罪歸汗汗性愚淺必念婚姻不忍殺我旬月之間足以展吾情志遂往見汗汗妻乙氏及盛妃皆泣涕請盛於汗盛死復頓頭於諸兄弟汗惻然哀之乃舍盛於宮中以為侍中左光祿大夫親待如舊堤加難屢請殺盛汗不從堤驕很荒淫事汗多無禮盛因而間之由是汗兄弟浸相嫌忌燕太原王竒楷之子蘭汗之外孫也汗亦不殺以為征南將軍得人見長樂王盛盛替使竒逃起兵竒起兵於建安衆至數千汗遣蘭堤討之盛謂汗曰善駒小兒未能辨此豈非有假託其名欲為內應者乎太尉素驕難信不宜委以大衆汗然之罷堤兵更遣撫軍將軍伊尼慕將兵討竒於是龍城自夏不雨至于秋七月汗日詣燕諸廟及寶

神座頓首禱請委罪於蘭堤加難堤難聞之怒且懼誅乙巳相與帥所部襲伊尼慕軍敗之汗大懼遣太子穆將兵討之穆謂汗曰慕容盛我之仇讎必與竒相表裏此乃腹心之病不可養也宜先除之汗欲殺盛先引見察盛妃知之密以告盛盛稱疾不出汗亦止之不殺李阜衛雙劉忠張豪張真輩皆盛所厚也而穆引以為腹心阜雙得出入至盛所潛與盛結謀丁未穆擊堤加難等破之庚寅穆將士汗穆皆醉盛夜如廁因踰入于東宮與阜等共殺穆時軍未解嚴皆聚在穆舍聞盛得出皆呼躍爭先攻汗斬之汗子魯公和陳公揚分屯令支白狼盛遣阜真襲誅之堤加難亡匿捕得斬之於是內外帖然士女相慶宇文拔帥壯士數百來赴盛拜拔為大宗正辛亥告于太廟今日賴五祖之休文武之九宗廟社稷幽而復顯不獨孤以眇眇之身免不同天之責凡在臣民皆得明目當世因大赦改元汗平盛謙不敢稱尊號以長樂王攝行統制諸王皆降稱公以東陽

公根為尚書左僕射衛倫陽瓊魚暴王騰為尚書悅其為侍中陽哲為中書監張通為中領軍自餘文武各復舊位改謚寶曰惠閔皇帝廟號烈宗羣臣固請上尊號盛不許 八月燕以河間公熙為侍中車騎大將軍中領軍司隸校尉城陽公元為衛將軍元寶之子也又以劉忠為左將軍張豪為後將軍並賜姓慕容氏 冬十月癸酉燕羣臣復上尊號丙子長樂王盛始即皇帝位大赦尊皇后段氏曰皇太后太后如丁氏曰獻莊皇后三年 初秦主登之弟廣帥衆三千依南燕王德德以為冠軍將軍處之乞活堡會苻斌守東之或言秦當復興廣乃自稱秦王擊南燕北地王鍾破之是時滑臺孤弱土無十城衆不過一萬鍾既敗附德者多去德而附廣德乃留魯陽王和守滑臺自帥衆討廣斬之燕主寶之至黎陽也魯陽王和長史李辯勸和納之和不從辯懼故潛引晉軍至晉城欲因德出戰而作亂既而德不出辯愈不自安及德討符廣辯復勸和反和不從辯乃

殺和以滑臺降魏魏行臺尚書和政在鄴帥輕騎自鄴赴之既至辯悔之閉門拒守政使尚書郎鄧暉說之辯乃開門內政政悉收德宮人府廩德遣兵擊政政逆擊破之又破德將桂陽王鎮俘獲千餘人陳頰之民多附於魏南燕右衛將軍慕容雲斬李辯帥將士家屬二萬餘人出滑臺赴德德欲攻滑臺韓範曰嚮也魏為客吾為主人今也吾為客魏為主人人心危懼不可復戰不如先據一方自立基本乃圖進取張華曰彭城楚之舊都可攻而據之北地王鍾等皆勸德攻滑臺尚書潘聰曰滑臺四通八達之地北有魏南有晉西有秦居之未嘗一日安也彭城土廣人稀平夷無險且晉之舊鎮未易可取又密邇江淮夏秋水來舟而戰者吳之所長我之所短也青州沃野二千里精兵十餘萬左有負海之饒右有山河之固廣固城曹嶷所築地形險峻足為帝王之都三齊英傑庶得明主以立功於世久矣辟問渾昔為燕臣今宜遣辯士馳說於前大兵繼踵於後若

其不服取之如拾芥之既得其地然後閉關養銳伺隙而動此乃陛下之
關中河內也德猶豫未決沙門竺朗素善占候德使牙門蘇撫問之朗曰
汝覽三策潘尚書之議與邦之言也且今歲之初彗星起奎婁掃虛危奎
者除舊布新之象本婁為魚虛危為毒宜先取兗州巡撫琅瑯至秋乃北
徇齊地此天道也撫又密問以年世朗以周易筮之曰燕衆庚戌年則一
紀世則及子撫還報德德乃引帥而南兗州北鄙諸郡縣皆降之德置守
宰以撫之禁軍士無得虜掠百姓大悅牛酒屬路 秋七月南燕王德遣
使說幽州刺史辟閭溥欲下之溥不從德遣北地王鍾帥步騎二萬擊之
德進據瑯邪徐充之民歸附者十餘萬德自瑯邪引兵而北 以南海王灋
為兗州刺史鎮梁父進攻瑯城守將任安委城走德以潘聰為徐州刺史
鎮莒城蘭汗之亂燕吏部尚書封孚南奔辟閭溥溥表為勃 海太守及德
子出德大喜曰孤得青州不為喜喜得瑯耳遂委以機 密北地王鍾

傳檄青州諸郡諭以禍福辟閭溥徙入千餘家入守廣固 司馬崔暹
薄命固平原太守張豁成柳泉誕豁承檄皆降於德溥懼攜 妻子奔魏德
遣射聲校尉劉綱追之及於莒城斬之溥子道秀自詣德請 與父俱死德
曰父雖不忠而子能孝特赦之溥參軍張瓘為溥作檄辭多 不遜德執而
讓之瓘神色自若徐曰渾之有臣猶韓信之有蒯通通遇漢 祖而生臣遭
陛下而死比之古人竊為不幸耳德殺之遂定都廣固
四年南燕王德即皇帝位于廣固大赦改元建平更名備德欲使吏民易
避追謚燕主曄曰幽皇帝以北地王鍾為司徒慕輿拔為司空封孚為左
僕射慕輿護為右僕射立妃段氏為皇后



Faint vertical text columns, likely bleed-through from the reverse side of the page. The characters are mostly illegible due to fading and the large watermark.



